

月下舊聞

六七八

漢書門			
九	〇	九	類
一	〇	四	號
一	三	六	函
六	三	六	冊

內閣文庫		
九	〇	九
一	〇	四
一	三	六
六	三	六
函	冊	號
架	冊	類

內閣文庫		
番號	漢	9096
冊數	16	( 4 )
函號	292	9







下舊開卷六

宮室四明

漢章文庫

永樂十四年八月正西宮初上至北京仍御舊宮及是  
 將撤而新之乃命正西宮為視朝之所中為奉天殿殿  
 之側為左右二殿正天殿之南為奉天門左右為東西  
 角門奉天門之南為正午門午門之南為承天門奉天殿  
 之北有後殿有涼殿正煖殿及仁壽景福仁和萬春永壽  
 長春等宮十五年六月建郊廟十一月建乾清宮國朝  
 永樂十五年鼎建北京宮殿有瑞靄浮空金水橋河水  
 凝結浮圖諸象又慶雲呈采團團如日正當御座中且  
 現五色天花於是大小臣工咸為歌頌有聖德瑞應詩



日下舊開

卷六

文皇將營北京宮殿時有神木出四川馬湖山中命禮部尚書建安鄭

勛齋有帛往荅神庥焉

遵尚錄

初燕邸因元故宮即今之西苑開朝門於前元人重佛朝門外有大慈恩寺即今之射所東爲灰廠中有夾道故皇墻西南一角獨缺

春明夢餘錄

既遷大內東華門之外逼近民居喧囂之聲至徹禁禦至宣德七年始加恢擴移東華門于河之東遷民居於灰廠西之隙地

湧幢小口

大明門前棋盤天街百貨雲集乃向離之景也

殺城山

棋盤街府部對列街之左右天下士民工賈各以牒至

雲集于斯肩摩轂擊竟日喧囂此亦見國門豐豫之盛

長谷話

棋盤街在正陽門內直宮禁大明門之前每朝會諸典京營將先期領營軍護衛駐足其中樹幟甚盛若乃天街步月雖城中多曠觀乎此屬第一

燕都遊覽志

皇城外圍墻三千二百二十五丈九尺四寸其門凡六曰大明門曰長安左門曰長安右門曰東安門曰西安門曰北安門俗呼曰厚載門仍元舊也墻外紅鋪七十三登聞鼓院在長安右門外紫禁城內墻南北各二百三十六丈二尺東西各三百二丈九尺五寸其門凡八曰承天門曰端門曰午門即俗所謂五鳳樓也東曰左掖門西曰右掖門再東曰東華門再西曰西華門向北

曰元武門墻外紅舖三十六春明夢餘錄

鄭琰春曉望闕詩魚藻門前曉角殘月斜鳩鵲露華溥金輿欲動宣宮使銀鎖初開擁侍官遼左羽書東海沸秦京烽火隴雲寒漢庭何日無封事不許書生

策治安列朝詩集

正德辛巳上入繼大統至京城外行殿楊廷和請上由東安門入居文華殿上箋勸進擇日登極上從行殿受箋由大明門入日中登極明倫大典

聖母將至禮部議由東安門入再議由大明左門入張璁曰雖天子必有母也焉可由旁門入乎聖母至山大明門入同上

進大明門次為承天之門天街橫曰承天門之前其

曰東長安門其右曰西長安門凡國家有大典則啟大明門出不則常扇不開每日百官奏進俱從二長安門入守者常數十百人皆禁軍也長安客話

宣德十年九月置六科皮閣文書之所于承天門外宣宗實錄

在京咨司遇會官審錄重囚俱於承天門東西分為四行列坐公侯駙馬伯列于東班前行都督等官列于東班後行尚書都御史侍從等官列于西班前行通政使大理寺佐貳官并六科掌科事給事中列于西班後行憲宗實錄

隆慶戊辰五月考選庶吉士在金水橋南設几北向几上各帖姓名穀城山房

隆慶五年二月濬金水河 穆宗實錄

大明門內曰承天之門 其內之東一門內則太廟也西

一門內則太社太稷也 無史

成化元年三月命工部尚書白圭董造承天門 憲宗實錄

頒詔例置詔于櫺繫以繩自承天門絕下 國史唯疑

太廟在闕之左永樂八年建前正殿翼以兩廡後寢

殿九間間一室主皆去尚几席諸器備嘉靖十一年中

允廖道南請建九廟從其議撤故廟祖宗各建專廟

合為都宮因舊廟新太廟居中文皇世廟在太廟東

北居之廟上昭穆六廟列太廟左右廟各有殿殿後有

寢藏主太廟殿後則有祧寢藏祧主太廟門殿皆南向

羣廟門東西向內寢殿皆南向十五年十二月九廟成

二十一年四月雷火八廟災惟睿廟存因重建太廟復同

堂異室之制二十四年七月新廟成正殿九間內貯諸

帝后冕旒冠帶櫃而藏之祭則陳設東西側間設親王

功臣位前為兩廡東西二燎爐東燎列聖親王祝帛西

燎功臣帛南為戟門門之左為神庫右為神厨又南為

廟門門外東南為宰牲亭南為神宮監西為廟街門正

殿後為寢殿九間奉安列聖神主皆南向又為祧廟五

間藏祧主皆南向時享于四孟祫于歲除 春明夢餘錄

太廟規制中室太祖高皇帝孝慈高皇后東第一室成

祖文皇帝仁孝文皇后西第一室睿宗獻皇帝慈孝獻

皇后東第二室武宗毅皇帝孝靖毅皇后西第二室世

宗肅皇帝孝潔肅皇后東第三室穆宗莊皇帝孝懿莊  
皇后西第三室神宗顯皇帝孝端顯皇后東第四室光  
宗貞皇帝孝元貞皇后西第四室熹宗愍皇帝其祧殿  
所藏德祖玄皇帝后懿祖恒皇帝后熙祖裕皇帝后仁  
祖淳皇帝后仁宗昭皇帝誠孝昭皇后宣宗章皇帝孝  
恭章皇后英宗睿皇帝孝莊睿皇后憲宗純皇帝孝貞  
純皇后孝宗敬皇帝孝康敬皇后東廡侑享諸王十五  
人西廡侑享功臣十七人 太嘗紀

按此乃崇禎時太廟規制蓋終明之世廟祀  
皆一帝一后后惟元配

嘉靖四年四月光祿署丞何淵請於太廟內立世室以  
獻皇帝與祖宗同享太廟禮部尚書席書等以為不可

旨集廷臣再議於是吏部尚書廖正 以定侯享助  
中楊言御史葉忠等咸謂皇上孝心無窮禮制有  
与等萬死不敢以非禮誤陛下上曰世室之建自  
之朕膺天命入紹大統皇考百世之室胡為不可遂  
大學士費宏石琿太監張佐等即太廟左原地立廟  
前殿後寢一如太廟制定名世廟云已而席書上言  
地以稱廟所別者出入不與太廟同門位處不與太  
並列祭用次日使敬心不分于所尊廟欲稍遠使樂聲  
不聞于列祖尊尊親親 內全矣神路其由闕左門出  
入何淵復奏當與廟街同門費宏賈詠石琿皆以為不  
可上不聽命由廟街門五年九月世廟成上曰 德殿  
奉獻皇帝神主于世廟十一年三月中允 德殿

九廟十四年正月諭大學士李時等曰世廟迫近河水  
今擬重建于太廟左方命於太廟東南隙地相度二月  
初建九廟十五年十一月九廟成十二月奉安太祖列  
主十七年六月揚州府通州同知致仕豐坊上  
請建明堂加尊皇考獻皇帝廟號稱宗以配上帝疏  
禮部集議尚書嚴言明堂闕丘皆以事天今大祀  
在闕丘之北正應古方位明堂秋享之禮卽此可行  
必更建至于侑享以父配之自漢唐宋諸君莫不皆  
錢八輔司馬光孫忭所論又主祖宗之有功者今以  
上配文皇以親則宜配獻皇帝若稱宗之議則  
有稱宗而不祔太廟者恐皇考在天之靈亦所不安  
議嵩乃言考秋享成物之旨父配天之文皇

考配享允合周道戶部侍郎唐胄上疏力爭上留中不  
發乃設爲臣下奏對之辭作明堂或向以示輔臣特黜  
胄爲民上又諭嵩曰國家之興始于向皇帝而中定艱  
難則文皇宜同稱祖號皇考獻皇帝且薦宗稱帝嵩復  
上議太祖卽位仁祖雖自布衣必享天下之祀皇考固  
獨闕焉聖心必有所不安又言文皇帝再造鴻業槩以  
宗稱於義未盡尊稱爲祖聖見允宜嵩奏出羣臣無復  
異議大學士夏言擬不爲烈祖皇帝上定爲成祖  
恭上廟號尊文皇帝以祖皇考宗獻皇帝祔于  
太廟國朝典彙

按大禮之議張文忠倡之而文襄附和之其  
初合在廷之評臣伏闕號哭不能回迨其後



建世室配天祔廟兩公非不力爭亦不能奪  
何淵豐坊之邪說論世者咎終歸于始倡和  
之人此謂逢君之惡其罪大君子於議禮之  
際尤不可不慎也

崇禎十六年仲夏大雨沾衣如血雷霆通夕不止次日  
見太廟神主或橫或倒諸銅器為雷火所擊融而成灰  
經冠紀畧

景神殿在太廟北奉藏列聖御容歲六月六日八常  
寺吉服詣殿  
春明夢餘錄

嘉靖四年五月部尚書席書等上言皇考既為天子  
之父當祭以天  
之禮但觀德殿在禁嚴之地各官不  
得陪祀太常不行禮當於太廟之東南城之北或東

別立一廟得旨禮工二部會同司禮監內閣領欽天監  
官相度太廟右邊地狹不堪建造隨於廟東切近處所  
南城稍北環碧殿地方自御前作後墻起至永明殿靜  
芳門裏南北深五十丈東西濶二十丈與午門甚近太  
廟後隔一溝合於本址建造新廟六月詔興工大禮集  
議

嘉靖四十四年六月作玉芝宮名宮門曰芝祥前門曰  
寶慶後寢曰大德殿國朝典彙

初世宗之建世廟也先名世室以奉皇考獻皇之祀既  
以世字礙後世稱宗改建獻皇帝廟既而獻皇祔廟稱  
宗遂閉世廟不復祀至嘉靖四十四年舊廟柱產芝上  
大悅更名玉芝宮欽定祀儀日供膳如內殿四時歲暮

大小節長牲帛諸品如廟祀穆宗卽位禮臣以獻皇已同列聖臨享則玉芝之祀可罷况宗廟嘗禮如四孟大禘止行於太廟節辰忌辰止行于內殿國有大事止告太廟或內殿未有并祭者今無所不祭告則列聖先帝將何以處之至于口供之膳宜倣南京奉先殿太祖例如舊奉設以存有舉莫廢之義上命如所擬而議者猶以日膳爲竇云 野獲編

社稷壇在闕之右與太廟對壇制二成四面石堦各三級上咸用五色土隨方築之壇西砌瘞位四面開櫺星門西門外西南建神庫庫南爲神厨北門外爲拜殿外天門四座西門外南爲宰牲亭 春明夢餘錄 入端門內則六科也東曰闕左門再東松林會推處也

西曰闕右門 燕史

順天主考例不賜宴獨南畿二主考辭朝賜宴于闕東松林相傳云遵洪武舊制 春明夢餘錄

翰林直房在右闕門內錦衣衛直房之次凡三間每早朝時諸閣老分坐北楹諸學士居中楹其餘居南楹俟門吏報三鼓乃俱赴左掖門 瓊綴錄

端門左有直房五間係坊局官候朝公會及收貯卷箱之所凡東宮官屬侍班講讀亦於此伺候 國史唯疑

六科直房在午門外東西相向初在掖門內之西與內閣相對所謂六科廊是也以灾移外直房尚寶司在午門外西兵科之上中書科直房亦在午門外之西 春明夢餘錄

殿試進士文華殿讀卷畢內閣填寫黃榜各官散出宮坊以下與執事者是日赴兵科觀唐人十八學士圖林典故

聞立本畫十八學士一卷于志寧贊沈存中跋借楮剝落其畫法與近時所傳全不同當是真蹟卷藏山西蒲州監生魏希古家嘉靖癸卯甲辰間希古携以游京師京山侯崔都尉以二百金購之不與是時邊患孔棘希古因條陳邊事并以此卷封一意圖進用疏人不省以其疏并卷俱發兵科此卷遂置藏科房太岳集殿試次日詞林詣兵科一餞觀唐人十八學士圖相傳為故事畫皆立像上署銜名未有沈括跋問所從來則嘉靖間蒲州監生魏希古條陳兵事兼進此卷疏既下

并此卷俱發兵科遂留至今云玉 舊記

吏科題名記吏部尚書靈寶許讚撰文戶科題名記禮部尚書南郡張璧撰文禮科題名記禮部尚書內江張朝撰文兵科題名記吏部左侍郎泰和歐陽德撰文刑科題名記吏部左侍郎華亭徐階撰文工科題名記翰林院修撰新都楊慎撰文掖垣人鑑都下有諺語云吏科官戶科飯刑科紙工科炭兵科隸禮科看甫載

明宣宗六科箴國家建官以外有制給事之臣密啓廷陞爰準六典分科置員各司其務有簡有繁命令之出于汝紀之章奏之入于汝度之考其得失舉其愆戾釐革欺蔽以贊予治敬其朝夕無縱以逸無日

以忽必忞以密達夫大體由乎至公維汝之賢光奮  
于庸怙威以騁不率正道汝之不賢辜亦自造自昔  
適臣左右承弼正人是資邪佞必斥其篤念哉母苟  
充位往端乃志以懋乃事 御製官箴

中書舍人每大朝會則與翰林史官上殿東西班侍立  
東宮朝賀文華殿導駕侍班其初本與翰林宮坊六  
同爲侍從之臣諸司無相並者 石崇藁

國初設符璽郎後改曰尚寶司曰奉天之寶惟祀天地  
用之凡詔若赦則用皇帝之寶以册封及賜勞則用行  
寶詔親王大臣調兵則用信寶册上尊號則用尊親之  
寶勅諭親王則用親親之寶祀山川鬼神則用天子之  
寶封外蕃及賜勞則用天子行寶詔外請兵則用天子

信寶曰詔則用詔命之寶曰勅則用勅命之寶獎臣工  
則用廣運之寶諭來朝官員則用敬天勤民之寶凡寶  
之用必請命而後發焉天子饗祀郊廟視學籍田勳衛  
扈從當直則給金牌虎賁巡城則給鈿符 門守衛則  
給銅牌錦衣校尉入直則給銅魚京官朝參者則給牙  
牌牌有圓花長花長素之別 龍湖文集

明制各寶皆內尚寶監女官掌之遇用寶則尚寶司以  
揭帖赴尚寶監尚寶監請旨然後內司領取 西垣筆  
記

每年三月廿九九月廿九爲用寶之期先期請出洗滌  
尚寶太監用大黃絨繖兩手恭捧挂于項尚寶卿以金  
盆盛水濯之次日乃用 玉光劍氣集

居中巍然而嚮明者午門也鐘鼓在焉曰左坊曰右  
掖門

程文德登五鳳樓詩六月六日天晶明九重殿內

干旌金鎖朱扉開鳳閣禁藥偶隨仙伯行

登且止俯視恍入青真裏金鐘響鼓大十一

來聞百里紫電清霜森武庫高嶂大燾紛無

神祖手執戈摩挲黯黯生二霧赤纓玉勒問駝

久神物何縈躡傳是文皇渡工日萬斛載寶來長安

祖宗英謨久不滅輝煌重器遺宮闕千秋萬代付神

孫張皇廟算恢光烈平生浪說騎鳳遊吾今真上鳳

凰樓直須形管紀勝事天風吹骨寒於秋松谿集

代所未有著廷杖

殿錦衣衛鎮撫司獄是已二者殺人至慘而不

恣舉朝野之命一聽於武夫宦豎之手可嘆也太

與侍臣論待大臣禮太史令劉基曰古者公卿有罪

水加劍詣請室自裁輕折辱之所以存大臣之

也時侍讀學士席同一因取入戴禮及賈誼疏以

且曰古者刑不上大夫心也必如是君臣之

禮始可兩盡上深然之洪武工部尚書王肅坐恣

當笞太祖曰六卿貴重不宜和改加辱命以俸贖罪

後羣臣畢悞許贖俸始此然永嘉侯朱亮祖父子皆

鞭死工部尚書夏祥斃杖下當時上書者猶以大

有過惡當誅不宜加辱為言三年怒御史嚴暄

能何傑等沉湎酒色久參孫命枷丁

官有枷項者至正統六年大臣枷項者為行在戶  
 書劉中敷侍郎吳璽陳瑞是時王振亂政便撻公卿殿  
 陛行杖習為故事成化十五年汪直誣陷侍郎馬文升  
 都御史牟俸等有詔切責給事中李俊等二十七人御  
 史王濬等二十九人互相容隱不言各廷杖二十正德  
 十四年以諫止南巡杖者舒芬黃鞏下百三十人死者  
 陸震等十一人嘉靖三年羣臣爭大禮聚哭左順門帝  
 大怒杖五品以下豐熙等一百三十有四人死者王恩  
 等十七人於時髮瘡吮血填滿犴狴此其最酷者矣嘉  
 靖中年用漆益急雖大臣不免笞辱二十三年宣大總  
 督尚書翟鵬薊州巡撫都御史朱方以以防太早二十  
 九年總督宣大侍郎郭宗皋巡撫大同副都御史陳燿

以寇入大同是年八月刑部侍郎彭黠左都御史屠儵  
 大理寺卿沈良才以議兵部尚書丁汝夔獄遲緩三十  
 一年戎政侍郎蔣應奎左通政唐國相以子弟寄名冒  
 功皆逮杖之鵬死獄中方燿皆斃杖而黠儵良等杖  
 後即起治事公卿之辱前此所不有也故事凡有以  
 繩縛兩腕囚服逮赴午門外每人一門門扉隨圍至杖  
 所列校百人衣襖衣執木棍林立司禮監宣駕帖訖坐  
 午門西墀下左錦衣衛使坐右其下緋而趨走者數十  
 人須臾縛囚定左右厲聲喝喝棍則一人持棍出閣  
 於囚股上喝打則行杖杖之三則喝令着實打或伺上  
 意不測曰用心打則囚無生理矣五杖而易一人喝如  
 前每喝環列者羣和之喊聲地聞者股慄凡杖

承囚四人昇之杖畢舉布擲諸地幾絕百十恒  
部尚書林俊遺表諫世宗畧曰臣聞古者撻人  
衆辱之而已非欲壞爛其體膚而致之死也亦  
待士大夫也成化間臣猶見庭撻五臣容厚  
以重羶疊靶猶臥褥數月瘀血始消正德時逆  
始令去衣受杖重傷國致釀中 諫止南巡中  
命之慘幸遇新詔收恤士氣始回不意諸臣以議  
忤復見此事似非聖世所宜然自此或用微文意  
適被逮至因元旦朝賀怒六科給事中張忠靜等  
服受杖出四十餘年間朝士之畢命闕下者益  
世矣萬曆六年以爭首輔張居正杖 杖  
等五人天下寃之後帝益厭言者疏多留中

用至天啟四年司禮監太監王體乾奉勅大審復  
端重答戚臣李承 以悅魏忠賢 斃主事萬燦御史  
吳裕中於杖下始燦等之被杖也臺省爭詣閣救止之  
不得大學士葉向高因疏言以數十年不行之敝政而  
三見于旬日之閒比者萬燦已亡林汝嘉汪文言亦將  
就斃廷杖之事萬萬不可再行後以當問者悉付之鎮  
撫司士類受禍其慘更有不忍言者 明刑志  
海寧查京尹秉葵為諸生時 室中仰見  
一額懸天上春回四字後戶科給事中上 疏論嚴嵩  
父子詔廷杖六十謫定邊 典史沈憶前 囚作詩云  
九重天上春回日二十年前夢裏身 辛齋  
隆慶元年吏部尚書楊博等上言先 以建言廷

杖死者若太僕卿楊最編修王思給事中宗鑑何光裕裴紹張原御身甫曾神葉經主事周二佐伍瑜戚應奎殷承敘凡十三人應復職增上從之國朝典隆慶二年給事中石星條奏六事上怒其訕上無禮廷杖之上御五鳳樓潛察杖者中官戒閹吏毋納給事從人部郎穆文熙恐以杖斃先以義白緹帥身自掖蔽由官共誓之文熙且誓且掖以出得不死同上海鹽鄭少卿履淳為尚寶司丞隆慶三年疏言今之急莫如用賢陛下恭默三禩寧曾召問一大臣面贊一請官賞納一諫七乎得旨杖一百血漬於袴今其子尚置於笥中閻史授遺

獻俘之禮先一日設御座于十門樓前極正中是日

日題敬天法祖牌懸於內東暖閣日昭仁殿先名弘德西暖閣日弘德殿先名肅左日日精門門之北西向日端凝殿右日月華門門之北東向日勤殿左小門日龍光右小門日鳳彩西御憩房萬曆中更壽安居乾清宮後披簷東日思政軒西日養德齋中圓頂則交泰殿上則坤寧宮皇后所居坤寧東露頂日貞德齋西露頂日養正軒東披簷日清暇居北圍廊日遊藝齋左日景和門右日隆福門再北左日端則門右日基化門便接瓊苑左右門矣此中一路之大畧也乾清宮門後過日精門之東日崇仁門先名迎稍南則日奉慈殿萬曆中改東裕庫日弘孝殿崇先殿改為神霄殿日精門往北日順德北門則東一長街也再北向西與龍光門



斜對者曰咸和左門先名百福門向南者曰景仁宮先名長寧其東則東二長街也南首麟趾門先名壽春北首千嬰門先名慶安麟趾門之東曰延禧宮曰怡神殿再東曰嘉德左門再東曰蒼震門咸和左門之北向西與景和門相對者曰廣和左門向南者曰承乾宮先名永寧東宮貴妃所居東二長街之東曰永和宮先名永安廣和左門之北向西與端則門對者曰大成左門先名長慶向南者曰鍾粹宮先名咸陽皇太子所居前殿曰興龍宮後殿曰聖哲殿其後小院曰龍德齋東二長街之東曰景陽宮先名長陽千嬰門之北並列者則乾東之房五所宮正司六尚局皆在乾清宮之東此東一路之大畧也乾清宮門後過月華門之西曰遵義門即

分遣勲臣告于南郊太廟教坊司陳設大樂于御路南東西北向文武各官朝服刑部堂上官及獻俘官吉服於御道外東西侍立上常服御皇極門鐘聲止鴻臚卿請上乘輿樂作內瑞戎裝擁衛前後排列五鳳樓東西兩黃蓋扈御簷登午門樓正中黃幄陞座樂止鳴鞭鴻臚寺卿招呼報捷獻俘官宣奏畢錦衣衛堂上官招呼拿俘來將尉引俘至刑部請付所司行刑押俘出羣臣稱賀禮畢駕出慈書上御午樓獻俘奏事畢上曰去廷臣尚未聞聲左右勲戚接者二遞為四乃有聲為八為十六漸震為三十二最下則大漢將軍三百六十人齊聲如轟雷矣湧

崇禎元年五鳳樓前獲一黃袱內裝小函一卷題云天  
啟七崇禎十七還有福王一可晨檢得奏御前思陵  
傳巡視皇城各官究所從來槐眉給諫奏曰此事不  
經何由得至大內且臣等巡視俱各未見而內臣特  
之安知非奸人所為如一追究將來必有造言簧惑  
聽者矣上可其奏立令之

午門之內曰皇極門左曰弘政門右曰宣治門旁曰歸  
極門曰會極門皇極門內東曰文昭閣西曰武成閣上  
曰皇極殿中曰中極殿後曰建極殿所謂三大殿也中  
極殿金圓頂如穿堂之制建極殿後曰雲臺門東曰後  
左門西曰後右門亦名曰平臺又東則景運門西則隆  
宗門中則乾清門上則為乾清宮崇禎八年八月初四

膳厨門 向南則養心殿西南則祥寧宮宮前向北者曰

無梁殿嘉靖中煉丹藥之所月華門之西南者曰隆道

閣原名道心閣即皇極閣下曰仁德堂閣東曰忠義室

曰仁蕩門先名會極曰義平門先名歸極西南則慈寧

宮矣月華門往北曰順德門則西一長街也再北向

東與鳳彩門斜對也口咸和右門先名廣安南者曰毓

德宮原名安樂宮後又改永壽宮則西二長街也北首

曰百子門南首齋斯門西曰啟祥宮原名未央宮內一

石坊北曰聖本肇初南曰玄德衍先口貞源茂始慶

奉無終蓋興獻帝所生之地再曰嘉德右門先名景

曰隆德殿即元寶殿祀三清神左有容軒右無逸

齋配殿左曰春仁右曰秋義再西北曰英華殿先名隆

禧有菩提樹二株北則北角井再西則咸安宮先名咸

熙咸和右門之北向東與福門相對者曰廣和門南

向者曰翊坤宮先名萬安宮貴妃所居西二長街之

西曰長春宮更永宮後仍改長春宮廣和右門與基北

相對者曰大成右門向南者曰儲秀宮先名壽昌西二

長街之西曰咸福宮先名壽安又後則乾西之房五所

此西路之大畧也中寧宮所謂中宮也宮後則為後苑

欽安殿在焉曰天一之門萬春亭千秋亭對育軒更名

玉芳軒清望閣金香亭玉翠亭樂志齋曲流館四神祠

有假山曰堆繡上亭曰御景亭東西二池有亭東

曰浮碧西曰澄石十一年毀觀化殿壘此東南曰

瓊苑左門一名德西南曰瓊苑右門名隆欽安殿

後曰順貞門即坤寧門也此外則元武門矣皇極門之

東曰會極門門東曰華殿有精一堂恭默室九五齋

殿之後曰玉食館北一省慈居殿之口曰崇本門殿之

後曰刻漏房銅壺驗之所再後則徽音門曰麟趾門

其內則慈慶宮又奉宮宮勗勤宮承華宮昭儉宮麟趾

門之東曰關雎左門西曰元輝殿再北朝南者曰寶

善門迤東曰慈慶宮後門門之外曰奉先殿即內太廟

也街東則隆祀門其內則外東裕庫也又東北並列二

門曰履順蹈和則一號殿仁壽宮之門內有熾鸞宮皆

鳳宮宮妃養老之處曰寶善門亦可通元武門其中之

門則蓮花門也皇極門之極門門西曰武英殿

殿西曰大廡曰尚膳而東北曰思善門曰仁智殿西南

曰御酒房又北曰慈寧門嘉靖十五年以仁壽宮故址并撤大善殿建慈寧宮過慈寧宮皆內侍直房再北過長庚橋則元武門矣春明夢餘錄

嘉靖三十六年四月十三日奉天等殿門災是日雷雨大作火光驟起由正殿延燒至午門樓廊俱燼湧幢小

四月二十七日奉御扎先作朝門午樓八月二十七日典工戊午八月三日大朝等門成奏告太廟古和稿

午門內居中向南者曰皇極門即奉天門也左曰弘政門即東角門也考廷鴻臚則在此焉右曰宣治門即西角門也西向日歸門即右順門也東向日會極門即左順門也燕史

奉天門常朝御座後內官持一小扇金黃絹包裹之聞之故老云非扇也其名卓影辟邪永樂間外國所進藏

常朝舊制每日御皇極門夾爭御座謂之金臺既升座錦衣士張五繖蓋四圍扇自東西陞立座後左右而內使一執蓋陞立執武備雜二扇立座後正

中武備之制一柄三狀用則綫圈自落以防不虞也西垣筆記

今上皇極門且成而山梁非圍尺極大者不中時川貴採辦在在告困適通惠河道工部良陞濬圍以天津至海兩岸平沙葭葦之地有歷朝大楠木漂沒者悉為搜發至一千有奇其中梁柱圍尺者一百五十有七

約省金錢二百餘萬

見只編

曆日之頒太祖定於九月之朔其後改于十一月之朔分賜百官頒行天下繼又改十一月朔是日御殿比於大朝會一切士民拜于廷者例以得賜

野獲編

倪元璐皇極門頒曆詩鳳閣開彤旭猊爐散紫烟六階齊度緯七政轉璣璿甲曆龍躔改寅寶象魏懸明時功在革資始義承乾黑帝威初試青皇位早傳周官新月令甘氏舊星篇人繼羲和後書成冀茨前庚先三日戒貞下一元旋圖籙符垂赤十支德意玄典王惟省歲太史又編年賜出黃星曜披看錄鮮因知天曆數如日起虞淵億草皇極門外兩廡四十八間除曠八

西門東三十

間為寶錄玉牒起居諸館及不閣會坐公揖在焉西門十間上十間為諸王館下十間則會典諸館也定王書堂在西第六間為讀書處第五間懸先師孔子畫象四配侍側蓋摹吳道子筆也及水王出閣因移定王第四間而永王在第六間慈書

永樂七月上御奉天門畢駕御右順門內便殿百官奏事成祖實錄

洪熙元年六月上聽政于西門仁宗實錄

故事文武羣臣朝親王于奉天門東廊今之皇極門東也東曹筆疏

會極門之南廊一間坐東向四額曰東閣經筵日講退講官至此揖光祿寺官奉茶而別億記

會極門在皇極門之東凡京官上下接本俱於此處南  
入爲內閣輔臣票本地也宣廟賜有文淵閣印一顆凡  
封進票本揭帖聖諭勅稿一此鈐之萬曆中爲人開內  
閣鎖盜去上命補鑄賜之光緒彙集

大學士直舍所謂內閣也在午門內東南隅外門西向  
閣南向入門一坊上懸聖諭過坊卽閣也永樂初開  
內閣於東角門館翰林待詔解縉爲侍讀中書舍人黃  
淮王府審理楊士奇爲編修進修撰胡廣爲侍講編修  
楊榮爲修撰戶科給事中金幼孜桐城知縣胡儼爲檢  
討入直文淵閣辦事以備顧問終永樂之世士奇榮官  
止五品蓋宣德以前內閣班外九卿爲平交至宣德後  
三楊奪重漸柄朝政英宗九歲登極凡事啟太后太后

不欲專多令內閣議行此內閣票旨之所由始也夢餘錄

殿閣大學士雖設自洪武中然同在內閣視事則自永  
樂年始其坐次不敢正席者以車駕所嘗臨幸故也天  
順中大學士李賢欲正席而坐同列彭時不可乃止林記

文淵閣在午門之內迤東文華殿之磚城凡十間皆覆  
以黃瓦西五間中揭文淵閣牌牌下置紅櫃藏實錄副  
本儘前楹設幾東西坐餘五間皆後列書櫃隔前楹爲  
心休所李公令人移紅櫃壁後欲設公座子曰不可殿  
皆至尊所御原設官之意止可侍坐以備顧問無至  
坐禮李語塞意猶未已踰數日上遣太監傳恭送苑

飾孔子并四配像一龕來置于中間又數日遣太監裴富送聖賢畫像一副來懸于龕後壁上乃罷不復可齋筆記

文 林內署非衙門名故朝廷之宣召諸事之機務亦止稱翰林院或稱會同翰林堂上

官初不

閣名 瑛綴錄

王文端

不用之詩後謂內閣在東角門

常人所

不能到其

文淵閣則翰林諸公所處也

內閣傳

文淵而不

以角門之內諸學士所處則在左順門之

南廊而

東閣云 玉堂漫筆

閣制初

監嘉靖十六年命工相度以閣中一間奉

于四配像考四間各相間隔開戶於南以為閣臣辦事

之所閣東詰勅房裝為小樓以貯書籍閣西制勅房南

面隙地添造捲篷三間以處各官書辦而閣制始備

明夢餘錄

故事禁中不得舉火雖閣老亦退食于外一日

如上台內豎覲閣老何為曰方退 于外上曰君不

內食對曰禁中不得舉火上指庭中隙地曰是中獨不

置庖乎今烹膳處是也自是得會食中堂又一日

上覲閣老何為曰方對奕問何以不聞落子聲對曰

某用紙上笑曰何陋也明日賜象牙茶一副至今

中 震澤長語

成化中始賜內閣兩蓮椅藉之以褥又賜添床錦綺金褥以便休息閣門則夏秋懸朱鈎簾冬春紫瓊簾

文淵閣印不得下諸司下諸司以翰林院印憲宗類  
文淵閣印銀鑄方一寸七分厚六分其文玉筋篆也各  
衙門印皆用於行移中書內閣印惟機密文字鈐封進  
至御前開拆始用之翰林記

成化年間中書與閣下如同投刺俱不交蓋一堂  
其處今之西房即文淵閣也臣居中書居東西兩  
房各辦其事已撤內庫十間以西五間居閣下謂之文  
淵閣以東五間藏書籍而東房中書亦遷居之故今以  
堂而東西非房矣猶稱兩房者沿舊名爾世

廟

文淵閣之臣六七八直文淵閣參典機務

詔冊制誥皆屬之而騰副繕正則中書分直更入事也  
輒出宣德間三楊始置厨饌於閣之東偏而選能書  
處以閣之西小房謂之西制勅房諸學士則居閣之  
五楹專管誥勅具藁定正於閣老乃付中書繕進謂之  
東誥勅房而帶知制誥衙則惟閣老與諸學士而已中  
書等官不敢僭也瑣錄

翰林舊選學士六七八人直內閣掌誥勅居閣之東號東  
誥勅房以閣西小房處中書能繕寫者為西制勅房諸  
學士晨與閣老會食至陳循時劉鉉過自遜避會食之  
例遂廢後止輪一人專掌多挨次入閣者吳寬以司制  
誥久雖不相例稱閣老蘇郡閣老坊見存嘉靖中罷今  
為中書官供事之所國史唯疑



胡儼直閣詩澹曉朝回秘閣中坐看宮樹落花濃綠

憲朱戶圖書滿人在蓬萊第一峯 願菴集

永樂四年上視朝之暇御便殿閱書史問文淵閣經史子集皆備否解縉對曰經史麤備子集尚多闕上曰士人家稍有餘貲尚欲積書况於朝廷乎遂召禮部尚書鄭賜命擇通知典籍者四出購求遺書且曰書籍不可較值惟其所欲與之又顧縉等曰置書不難須常覽閱乃有益凡人積金玉亦欲遺子孫金玉之利有限書籍之利豈有窮也 成祖實錄

永樂辛丑北京大內新成勅翰林院凡南內文淵閣所儲書自有一部至百部各取一部送北京特修板陳循如數取進得一百櫃督舟十艘載以赴京 青谿暇筆

十九年四月三殿災火勢猛烈奉天門東廡切近秘閣學士楊榮麾武士三百人將御書圖籍昇至東華門河次是時書籍淆亂無紀典籍周翰理淆葺亂逾二載而後復舊今館閣書日蓋永樂間定也 翰林記

宣德四年十月上臨視文淵閣少傅楊士奇太子少傅楊榮太子少保金幼孜學士楊溥曾榮王直王莖 小讀李時勉錢習禮侍講陳循等侍上命典籍取經史 批自披閱與士奇等討論已詢以時政從容密勿者久之命中官出尚膳酒饌賜士奇等并賜纂修實錄等官士奇等叩首謝上曰朕聞有道之朝願治之主崇禮儒碩講求治道卿等為朕傅保與諸學士皆處秘閣朕躬至訪問莫有所聞耳稍暇當復至卿等必有所陳論也已而

親製詩賜士奇等

宣宗實錄

明宣宗皇帝詩秘閣弘開當巽隅充棟之積皆圖書  
仙家蓬山此其處上與東壁星相符罷朝閒暇一臨  
視衣冠左右環文儒瓊瑤鏘鏘清響振寶鼎馥馥香  
烟敷維時日上扶桑初始看瞳矐絢綺䟽忽已粲爛  
明金鋪從容燕坐披典謨大經大法古所訓講論啟  
沃良足娛朝廷治化重文教旦暮切磋商安可無諸儒  
志續漢仲舒豈直文采陵相如玉醕滿賜黃金壺勗  
哉及時相勵翼輔德當與夔龍俱庶幾致治希唐虞

御製集

中秘書在文淵之署約二萬餘部近百萬卷刻本十三  
抄本十七閣凡五楹中一楹當梁拱間豎一金龍柱宣

廟常去六地與門臣繙閱咨詢故史臣不得中立設坐  
東湖先生集

正統六年六月少師兵部尚書兼華蓋殿大學士楊士  
本行在翰林院侍講學士馬愉侍講曹鼐上言文淵閣  
貯書籍有祖宗御製文集及古今經史子集之書自  
永樂十九年南京取來向於左順門北廊收貯未有完  
整書目近奉旨移貯于文淵閣東閣臣等逐一點勘編  
置字號輯成文淵閣書目請用廣運之寶鈐識仍藏於  
文淵閣永遠備照庶無遺失奉旨是次日于左順門尸  
寶訖

弘治五年大學士丘濬請於文淵閣近地別建重樓不  
用木植但用甄石以累朝實錄御製玉牒度於樓上內

卷六

三

府藏書皮之下層國朝典彙歲曝書委翰林堂上官查驗封識

上嘉納之國朝典彙弘治九年三月大學士徐以內閣書籍浩繁請以翰林待詔潘辰管典籍事仍乞命吏部於教官內選除典籍一員與之共事從之因以河南息縣教諭夏賚為翰林院典籍孝宗實錄

正德十年十一月大學士梁儲等言內閣并東閣藏書年久殘闕必須專官管理方可次第修補請勅房辦事中書舍人胡順序班劉偉俱堪委用宜令順仍舊倖改典籍同原管主事李繼先管理前項書籍從之由是其書為繼先等所盜云失者多矣武宗實錄初永樂人與書成貯之文樓及三殿災上命左右趣登

文樓出大典甲夜中諭凡三四傳是書遂得不毀嘉靖

四十一年巡善書人禮部儒士程道南等百人重錄一

部命武宗實錄張居正等校理之世宗實錄

內府秘閣所藏書甚寥寥然宋人諸集十九皆宋板也

書皆倒摺四周向故雖遭蟲鼠嚙而中未損但文淵

閣制既庫狹而加復暗黑抽閱者必秉炬以登內閣老

臣無暇留心此徒付筦鑰于中翰涓人之手漸以汨

沒良可嘆也雜組

文淵閣藏書皆宋元秘閣所遺雖不甚精然無不宋元

板者因典籍多貲生既不知愛重閣老亦漫不檢省往

往為人竊去今所存僅千百之一矣鬱岡齋筆塵

按宋靖康二年正月金人索秘書節

次解發見丁特起孤臣泣血錄而洪容齋隨筆亦云宣和殿太清樓龍圖閣所儲書籍靖康蕩析之餘盡歸于燕元之平金也楊中書惟中於軍前收集伊洛諸書載送燕都及平宋王承旨構首請輦宋三館圖籍宋之實錄正史皆完當時勅平章政事太原張昺兼領秘書監事有詔許京朝官假觀由是言之文淵閣藏書乃合宋金元所儲而雁于一益以明永樂間南都所運百櫃攻正統六年編定目錄凡四萬三千二百餘冊而列朝實錄寶訓不下數千卷若永樂大典一書多至二萬二千九百三十七卷皆藏諸皇史宬不與焉

縹緗之富古所未有其後典守不嚴歲久被竊萬曆三十三年內閣勅房辦事大理寺左寺副孫能傳中書舍人張萱等奉閣諭校理纂輯書目則并累朝續添書籍入焉大半殘闕較之正統目錄十僅存二三爾崇禎甲申之變故佚轉多秘本罕得欲復香厨四庫之盛憂憂其難矣

宣德幸文淵閣命於閣右築石臺植澹紅芍藥一本景泰初增植二本左純白右深紅  
 文淵閣芍藥舊嘗有花自景泰後未嘗一開天順改元徐有貞許彬薛瑄李賢同時入為學士居中一本遂開四花其一久而不落既而三人皆去惟賢獨畱明

年春忽各萌芽左二右三中則甚多而  
 劉定之李紹倪謙黃諫錢溥相繼同升  
 約開時共賞夏四月盛開八花遂設宴  
 玉帶之賜諸學士各賜大紅織衣  
 曰玉帶白深紅者曰宮錦紅澹紅  
 足疾不赴以復開一花眾皆諫  
 章閣院官寮咸和彙成曰玉堂賞以集  
 玉堂賞花會賦詩者四十人學士則南陽李賢安成彭  
 時樞李呂原蒲田林文安成李昭永新劉定之錢塘倪  
 謙東吳錢溥侍讀則金城黃則廬陵陳文長洲  
 劉鉉侍講則眉山萬安漁陽凡則古杞孫賢贊  
 善則范陽牛綸修撰則吳中野劉吉錢塘童緣

華容黎淳編則西蜀李本毗陵王以餘姚戚瀾宜興  
 徐溥瓊山丘濬泰和尹直安成彭華平川陳秉中臨川  
 徐瓊四明楊守陳臨江吳滙檢討則嚴州傅宗安成張  
 業河東邢讓翰林正經博士則天台鮑相典籍則西蜀  
 李鑑泰和陳穀侍書則浙江謝昭其二人則禮部員外  
 邱臨淮涉濯宗中書舍人江東曹冕詩成李賢序之彭  
 時作後序淶水亭雜識  
 南大內有紅芍藥一本仁宗為太子監國時遇此  
 設宴與宣宗賞之後宣宗嗣位移植京師禁中德  
 正統兩朝無歲不花繁無比景泰改元復增一本  
 凡歷七年皆小花及英碎之春花忽盛開者  
 之當時賞花諸學士多寡合其同升之數亦

之乎爲言者矣 說

景泰中內閣賞芍藥一詩本院官皆和之有玉堂賞花  
集盛行於時成化末少傅徐溥在內閣賞芍藥賦二詩  
次年又賦二詩本院官亦皆和之正德中大學士梁儲  
場一清賞芍藥唱和則人各四首按宣德八年本院諸  
寮有文淵閣賞雪詩蓋詞林紀事多有題詠不特賞花  
而已 翰林記

陸祭賦內閣芍藥詩金門柳色繁深綠上苑春餘雜  
花撲天桃已歇穠李衰紅藥翻塔正芬郁此花初種  
自宣皇百曲雕闌七寶妝融光窈窕昭陽殿暖日輕  
盈白玉堂玉堂學士看花早賦成芸閣出詩草卷慢  
頻看碧霧流揮毫正耐紅雲繞憶昨宣皇居法宮太

平樂事君臣同宸遊每出濯龍 曲宴備臨翔鳳中

沉吟此事六十載當日繁華宛然在紺憶令輿

臨黃扉紫禁留風采不羨揚州寶帶圍長安 說

芳菲五侯七貴同邀賞寶馬香車疾若爭似一花

出天上霧閣芸牕儼相向浪蝶游蜂未許窺酒徒詞

客空惆悵江南三月足豪華繡幙圍香富貴家亦有

幽姿在空谷風雨憔悴天之涯燕山遊子江南客獨

對名花感今昔草木何知人自憐逢時亦復升沉隔

世間榮辱偶然事不獨此花堪嘆息 陸子餘集

嘉定宣嗣宗爲中書舍人宣宗幸內閣以銀幣 殿地令

諸從官競取嗣宗侯諸臣取畢徐拾一文 此

內閣二鏡釘乃 慈廟所賜種蓮者 謙齋集

日下舊聞卷六終

日下舊聞卷六補遺

宮室四

唐書褚亮傳武德四年太宗爲天策上將軍寇亂稍平于宮城西作文學館下教以五行臺司勳郎中杜如晦記室考功郎中房元齡于志寧軍諮祭酒蘇世長天策府記室薛收文學褚亮姚思廉太學博士陸德明孔穎達主簿李元道天策倉曹參軍事李守素王府記室參軍事虞世南參軍事蔡允恭顏相時著作郎攝記室許敬宗薛元敬太學助教蓋文達軍諮典籤蘇勗並以本官爲學士七年收卒復召東虞州錄事參軍劉孝孫補之薛收傳收卒王哭之慟其後圖學士像歎其早死不得與蓋闢立本圖像褚亮爲贊乃七年以後事司馬公

通鑑并以圖像爲贊載入武德四年故有薛收而無劉  
孝孫誤矣聞立本學士圖向在兵科其所畫者收耶孝  
孫耶惜不可得而見也 竹素辨譌

文皇帝御用槍有號帶在午門之五鳳樓王元美有詩  
紀之 眉公見聞錄

華亭沈景陽善卜永樂中驛取至京太宗命于午門上

布卦乃問英國公征南事景陽占曰此大勝之兆時正

午當得捷音其時果有飛檄至報安南平上大悅賜鈔

幣遣歸故里 和史彙編

午門廷杖司禮監錦衣衛使分坐左右列校行杖之重

輕匪獨察二人之話一辨其顏色也黠者每視其足足

如箕張則囚可生憐夫一歛則囚無生理矣聞諸惡少

年習行杖時先縛草爲二人一寘輓于中一紙裹其外  
俱以衣覆之杖寘輓者視之若輕徐解而觀則輓都裂  
杖紙褻者視之極重而紙無傷能如是則入逸以朝臣  
之死生恣閹豎武夫之喜怒真可歎息痛恨也 查浦輯

楊公繼盛獄具詔杖一百或以蚘蛇膽遺之謂服之可  
以禦杖繼盛曰椒山自有膽何必蚘蛇哉 史竊

吉水鄒忠介公元標萬曆初以建言予杖天啓初起爲

總憲年老矣入朝而躡德陵色不怡先太傅文恪公進

曰元標在先朝直言受杖至今筋骨猶負痛也上爲之

改容 關德錄

泰昌元年八月戊午皇極門興工 光宗實錄



文淵閣在奉天門東廡之東文華殿之前前對皇城深  
嚴禁密百官莫敢望焉吏人無敢至其地閣中趨侍使  
令惟厨役耳防漏泄也禁密文書一小匣在几上鑰之  
而不合大學士暮出鑰其門匙懸門上恐禁中不時有  
宣索也 震澤長語

顧清文淵閣賦昔我文皇之統萬方也稽往古遵舊  
章攬衆維提要綱謂六典之分雖倣於周禮而百揆  
之總實自於虞唐或合而分或約而詳蓋不可無樞  
機之總疇咨之良也乃眷斯顧禁垣之隅乃崇傑閣  
翼彼宸居錫文淵之嘉號擢鑾坡之碩儒職論思於  
九重贊元化於中樞雖官曹之未彰實名體之隱如  
此其大畧也若乃其地則日華之右丹鳳之東重門

側啟複罅中通長廊後帶而籠矯城對起而繚虹  
非密勿之有開蓋不得以闖乎其宮其中則有石渠  
之祕金匱之藏殷周訓誥洙泗典常班馬之所敘述  
賈董之所鋪張奎光壁耀照灼乎虹梁其前則有玉  
堦珉砥仰接俯延文杏敷錦碧芸連錢瑤臺植和鼎  
之卉銅池分並蒂之蓮承雨露之先及各獻巧而呈  
妍其爲制也邃密高閑沉深肅清黃扉豁其前敞白  
間疎以通明案有朱墨庭無訟爭希夷乎紫宮逍遙  
乎玉京邈風雨之何及時仙韶之遠聆乃有臯夔之  
輩稷卨之倫大冠長劍鳴玉垂紳坐于兩楹敷帝猷  
而演皇墳萬機倚以裁決庶績賴以經綸則有大官  
供帳天府奇珍湛恩渥禮眷我儒紳至於睿思時凝

事資訪逮中貴傳宣東朝賜對日度晷而徐還步金  
扉而緩退其或金根戾止玉輦幸臨畧等級於堂陛  
咨失得於古今每先過而陳善亦隨時而獻箴或都  
而俞或吁而咈言皆可書動鮮有慝此則建閣以來  
累朝之盛節也嗚呼漢開金馬賢俊雲蒸唐啟學館  
士誇登瀛徒取技於雕蟲尚無關於大經然猶耀簡  
策熙鴻名而况地兼乎木天之重名並乎鳳池之榮  
酌元氣以運四時敷王言而令庶正宜乎萬事於此  
理萬化於此成而陶冶乎其中者又可闕於頌聲耶  
於是拜手稽首敷陳其槩而系之以歌歌曰五雲葱  
龍黃閣崇兮東壁流照光燁空兮維帝伊佐志決道  
同兮政於此成民物豐兮自隆自今垂之無窮兮東

江集

萬曆四十五年七月己巳京城大風雨社稷壇門東中  
門門攔刮折打死門軍五鳳樓東華門獸吻吹落五朝  
茫畧

東閣五間夾爲前後十間前中一間供先聖位爲諸輔  
臣分本公敘之所閣輔第員以下則居後房雖白晝  
亦秉燭票擬薛韓城當國特鑿一牖復開門構數椽以  
通日色及韓城賜死說者謂破壞風水然韓城卽不破  
壞風水能免此禍哉烈皇小識

永樂初內閣官遇常朝立金臺東錦衣衛在西後因不  
便移下貼御道東西對立後因雨各衙門俱上奉天門  
奏事五府立西簷柱外六卿序立東簷柱內內閣遂無

地可立景泰二年秋以戶部尚書兼學士陳循奏始令  
常朝內閣學士與錦衣衛官東西對立

明典故紀聞

唐人入朝多侈言花柳之盛五言詩如王維云柳暗百  
花明春深五鳳城杜甫云退朝花底散歸院柳邊迷又  
云冉冉柳枝碧娟娟花蘂紅戴叔倫云月沉宮漏靜雨  
濕禁花寒竇叔向云宮花一萬樹不敢舉頭看七言詩  
如武平一云黃鶯未解林間囀紅蘂先從殿裏開賈至  
云千條弱柳垂青瑣百轉流鶯繞建章岑參云花迎劍  
珮星初落柳拂旌旗露未乾杜甫云香飄合殿春風轉  
花覆千官淑景移錢起云長樂鐘聲花外盡龍池柳色  
中深皇甫曾云曉色漸分雙闕下漏聲遙在百花中  
張籍云寶樹樓前分繡幙綵花廊下映朱闌至宋猶然

故宣和御製宮詞云禁宮春色最妖妍桃李扶疎滿眼  
前又云纔過閣門分曲檻弄晴繁蘂麗如粧蓋自金元  
以來始不復種花柳于闕下矣明於午門左右採松葉  
爲棚使百官免立風露之下其制雖善要不若植花柳  
之爲愈也

筆論

永樂十七年三月上在北京遣侍講陳敬宗至南京起  
取文淵閣所貯古今書籍自一部至百部以上各取一  
部北上皇太子乃遣修撰陳循如數齎送其餘封貯本

閣

南京詹事府志

嘉靖丁巳四月三殿二樓十五門俱災文武大臣會議  
修建海鹽鄭公曉時協理戎政率營軍三萬人打掃火  
焦鄭公白黃司禮磚瓦木石不必盡數發出如石全者

半者一尺以上者各另圍圍就便堆積白玉石燒成石  
灰者亦另堆積磚瓦皆然不數日工部欲改修端門外  
廊房爲六科并各朝房午門以裏欲修補燒柱墻缺又  
於謹身殿後乾清宮前隆宗景運二門中砌高墻一道  
攔斷內外內監工部議從外運磚運灰運黃土調灰一  
時起小車五千輛民間騷動公告黃司禮曰午門外堆  
積舊磚石并石灰無數可盡與工部修端門外廊房其  
在午門以內者可與內監修理柱空并砌乾清宮前墻  
黃甚喜公又曰修砌必用黃土今工部起車五千輛一  
時不得集况長安兩門承天端門午門止可容軍夫出  
入再加車輛阻塞難行見今大工動作兩闕門外多空  
地可容黃土用卻命軍搬焦土填上用黃土蓋三凡豈

不兩便黃曰善公曰午門以裏臺基壞石移出長安兩  
門甚遠今厚載門修砌剝岸若命軍搬出右順門由啟  
明門前下北甚近就以此石作剝岸填堵不須減工部  
估料但省軍士勞力亦可黃又曰善公曰舊例火焦木  
軍搬送琉璃黑窰二廠往回四十里今焦木皆長大不  
准皇城諸門難出外面房稠路狹難行難出  
各內臣小房非燬卽折壞必須修葺方可容身若  
將焦木出左右順門外東西寶善思善二門前後并  
啓明長街兩長街聽各內臣攀取焦皮作炭木心可用  
者任便取去各修私房以皇城內物修皇城內房不出  
皇城四門亦省財力黃又曰善鄭端簡公年譜  
北京殿門前擎天石柱絕高成化間曾粘一帖子于上

云秦檜當年陷岳飛至人面得惡名題於今丘濬排王  
怨聖主應須早見幾暖妹田筆

嘉靖二十三年夏建廟大柱石礫取諸西山每石

用驟二百頭拽二十一三城同上

永樂十八年三殿工廟刻博士胡齋上之布算

訖奏曰明年某月某日午時官燬上大怒囚之至期獄

卒報午過無火劫服毒死則午正三刻也殿果焚上甚

惜之明卓異記

日下舊聞卷七

宮室五明二

皇極門內居中向南者曰皇極殿即奉天殿也左向西  
者曰文昭閣即文樓也右向東者曰武成閣即武樓也  
殿之兩旁東曰中左門西曰中右門燕史

奉天殿永樂十五年十一月建國朝典彙

北京奉天殿兩壁斗栱間繪真武神像蓬牕日錄

永樂十九年四月庚子奉天華蓋謹身三殿災成祖實

錄

正統五年三月建奉天華蓋謹身三殿乾清坤寧二宮  
初太宗皇帝營建宮闕尚多未備三殿成而復災以奉  
天門為正朝至是修造之發現役工匠操練官軍七萬

人興工六年九月三殿兩宮成十月賜太監阮安僧保  
金銀紵絲鈔都督同知沈清封修武伯工部尚書吳中  
加少師太僕少卿馮春楊青俱升工部左侍郎 英宗實  
錄

嘉靖三十六年四月丙申雷雨大作戌刻火光驟起由  
奉天殿延燒華蓋謹身二殿文武樓奉天左順右順午  
門及午門外左右廊盡燬 世宗實錄

三十七年重建奉天門成更名曰大朝門 國朝典彙

已未十月十日三殿興工庚申四月二日上梁 古和募

四十一年九月三殿成改奉天殿曰皇極華蓋殿爲中  
極謹身殿爲建極文樓曰文昭閣武樓曰武成閣左順  
門曰會極右順門曰歸極奉天門曰皇極東角門曰弘

政西角門曰宣治詔曰人君建中建極乃叙躋錫福之  
基臣民會極歸極實欽若從乂之道特崇表正用迪訓  
行 世宗實錄

三殿規制自宣德間再建後諸將作皆莫省其舊而匠  
官徐杲能以意料量比落成竟不失尺寸 世廟識餘錄

萬曆二十五年六月戊寅歸極門火延燒皇極等殿文  
昭武成二閣圍廊皆燬 神宗實錄

天啟五年八月戊戌皇極殿監金柱九月甲寅門工成  
七年二月己亥迎建極殿金梁乙巳建極殿升梁五月  
辛未命工部尚書薛鳳翔迎中極殿金梁分遣尚書楊  
夢寰于神木廠孫杰于廣渠門崔呈秀于正陽門王之  
臣于大明門郭允厚于午門周應秋于皇極門行祭告

禮巳卯中極殿升梁八月乙未中極殿建極殿棟劍懸  
牌三殿開工自天啟五年二月二十三日起至七年八  
月初二日報竣熹宗實錄

沈德符天啟宮詞萬方輻輳助雕甍觀闕魏我壯帝  
京趙鬼不須重誦賦柏梁未燼建章營清權堂集

皇極殿九間中爲寶座座傍列鎮器座前爲簾簾以銅  
爲絲黃繩繫之簾下爲瓊瓊盡處設樂殿兩壁列大龍  
櫺八相傳中貯三鼎彝櫺上皆大理石屏每遇正旦  
冬至聖壽則御焉先一日尚寶司設寶案于座之東鴻  
臚寺設表案于殿東中門外主客司設外藩貢方物案  
于丹陛左右欽天監設定時鼓于文樓上教坊司設中  
和韶樂于殿內東西設大樂于皇極門內東西俱北向

海儀仗于丹陛丹墀東西設羽扇于  
輅步輦于皇極門丹墀中向金吾

甲士軍仗于皇極門外午門外丹墀東西旗手  
鼓于午門皇極門外御馬監設仗馬錦衣衛設

文武樓南東西相向次天監設報時位於丹陛  
之東鼓初嚴百官朝服班午門外鼓次嚴百官次第由  
左右掖門入詣丹墀序立鳴鞭卷簾鼓三嚴導駕官前  
導尚寶司接寶前行樂作奏飛龍引之曲上袞冕升座  
外贊卅齊鞠躬大樂作奏風雲會之曲再奏慶皇  
都之樂三奏喜昇平之樂贊搯笏鞠躬舞蹈贊跪唱山  
呼贊出笏俯伏四拜典禮畢鳴鞭奏賀聖明之樂駕與  
尚寶司捧寶導駕官前導至中和殿駕還宮春明夢餘

太祖初定大朝會正殿曰奉天殿門名亦如之其後寺  
 皇營北京遂仍其名殿于火世宗更其名曰皇極而燕  
 蓋殿則曰中極謹身殿曰建極蓋取洪範之義議者以  
 為洪範更有六極字樣相同意義不美然上方親御  
 樂薄視百王少忤即獲罪無救正者至隆慶初元御史  
 張檟請改仍太祖舊號時高儀為大宗伯以為皇考所  
 定且遺詔中多所釐正獨不及殿名乞存之以表三年  
 無改之義遂不果易按太祖奉天二字實不可易祖訓  
 中云皇帝所執大圭上鏤天揚祖四字遇親王導行  
 者必手秉此圭始受其拜以至臣下誥勅命中必百云  
 奉天承運皇帝太宗繼之一切封拜功臣必曰奉天靖

其次日奉天翊衛奉天翊運至列聖所封者無論為  
 功勛為恩澤為文武亦必以奉天為號至今不改之皇  
 極建極本屬一義而中極尤為無出攷完顏氏上京官  
 殿其正寢名乾元殿蓋襲唐代舊號至天眷元年改名  
 皇極殿則先有稱之者矣野獲編

國初朝儀專叙品級不分散要世宗自甲午以後三十  
 餘年不視常朝舊典無人記憶穆考登極始復常朝鴻  
 臚搜求故實多所散失不知於世廟初年合否班行東  
 西分立勲臣在西上東面不與百官齒左班面西侍立  
 一品二品為第一行三品次之為第二四品五品京堂  
 次之為第三官坊五品六品次之為第四翰林六品七  
 品次之為第五兩中書次之為第六此為一段其下



則六科爲第一吏部第二中書舍人第三此爲一段其  
下則御史第一五部次之自此以下品級官次紊不可  
紀矣右班面東侍立則錦衣在前五軍都督府次之其  
七十二衛指揮等官叩頭禮畢則左班內閣右班錦  
衣俱由玉陛升立金臺左右六科升立甬道左右東西  
向御史立于甬道左右北向其北面行禮班次則公侯  
駙馬伯列三班于前去文武階次稍遠其下則文武兩  
班同上御道左右分立一品二品爲第一三品第二四  
五品京堂至翰林史官吉士第三科道中書第四其  
部郎官亦頗紊亂其同班序立翰林七品在小  
八品之上官坊六品在小九卿五品之上官坊五  
九卿五品之上講讀學士在大九卿四品之上

惟讓僉都少詹光學士在僉 上至於六部  
時一吏二禮其下則戶兵等部故有主事立于耶  
上者其後戶部主事賀邦泰以禮部在其上嘗上  
之有詔六部郎中並列員外次之主事又次之  
稍稍紊矣 穀城山房筆塵

劉效祖詩元會初分庭燎光 念菴詩集  
五夜春多少白日猶聞蠟炬香 念菴詩集

中左門之左小廂房有扁曰德政殿崇禎十五年五  
召諸臣入對及午賜官餅各十五枚 慈書  
崇禎十五年八月上御朝畢登文昭閣閣在皇極殿  
上步下閣御德政殿召五閣臣言文昭閣兩旁可建十  
房朕不時召對及講讀有疑問先生往來亦便翌日遂

于閣左右各設直房 三朝野史

皇極殿之北有滲金圓頂者曰中極殿即華蓋殿也再北曰建極殿即謹身殿也俱嘉靖四十一年重建工戶改名者也殿居中向後高踞三纏白玉石欄干之上者雲臺門也兩旁向後者東曰後左門西曰後右門即雲臺左右門亦名曰平臺也凡召對閣臣等官或于平臺即後左門也 蕪史

四川石砮女帥秦良玉帥師勤王召曰 勅綵幣羊酒御製詩旂之曰蜀帛征袍手製成桃 請長纓世間不少奇男子誰肯沙場萬里行 崇禎十二年九月命大學士楊嗣昌以原官兼兵部尚書督師討流寇賜尚方劍宴于平臺

詩

詩云鹽梅今暫作十城上將威嚴細柳營一掃寇氛從此靖還期教養遂民生書用黃色金龍蠟箋厚如指甲長四尺餘濶一尺六七寸字大二寸餘後一行署云賜督師輔臣嗣昌又一行署云崇禎十二年九月初九日鈴御筆之章引首一寶上方中書一押大體似明德二字合成者鈴一表正萬邦之寶 孤兒籲天錄 中極殿舊名華蓋前即皇極後為建極崇禎辛巳四月召對至弘政門則上已御殿即魚貫入中左門循殿左道高下可四十級到中極殿殿左右闌四六門上寶座周圍刻金龍形金色璀璨御榻黃綾衣之入分東西班行禮召對畢上命賜宴坐內璫 與宴者十三人 日下舊聞 卷七

各一席酌用金蓮花杯杯高大如圓可四寸下有三角小蒂承之傍有荷柄席各三十餘席前各二花瓶中插蓮花光祿署官八人行酒祖制以群臣多在午門外及文華門外惟郊祀慶成宴三品及學士在皇極殿內而中極自國初賜宴親王外未有也至正統後坐禮久廢今始行之慈書

後左門又北東則景運門也西則隆宗門也又西向者則仁德門也隆宗門之南東向房一連名協恭堂禮監太監看文書之所也乾清門外左右金獅各一門丹陛直至乾清宮大殿左曰日精右曰月華四小門曰龍光右小門曰鳳彩神宗御西煖閣光居東煖閣先帝御居西煖閣今上御居東煖閣宮之

疑

一侍所司衮冕玉帶類貯此右懋勤殿

九帝劄

臨御之燕史

正德九年正月乾清宮火上自卽位以來每歲張燈爲不庫貯黃白蠟不足復令所司買補之及是寧王宸濠乃爲奇巧以獻遂令所遣人入宮懸挂皆附着柱壁上以于宮庭中依簷設氈毼而貯火藥于中偶勿戒遂延武宗實錄宮殿俱盡上猶往豹房省視回顧光燄燭天戲謂左右曰是好一棚大烟火也武宗實錄正德十六年十一月乾清宮成世宗自文華殿入居之四川道監察御史鄭本公以上入居新宮上䟽曰乾清之爲宮八年營構一旦落成陛下踐祚之初適與斯會居安之日正思危之時也上嘉納之世宗實錄

萬曆二十四年丙申三月乾清坤寧災二十五年二月

重建 春明夢餘錄

光宗崩李選侍踞乾清宮羣閣教選侍閉皇長子不聽  
出度外廷無可如何楊公漣首定大計大行在乾清羣  
臣哭臨畢即擁皇太子升文華殿呼萬歲暫御慈慶宮  
須選侍移宮而復則羣奄之計格矣初詣乾清宮門人  
持挺誰何公大罵奴才手挺却之將及宮門內監傅李  
娘命追呼拉還者至再公復手格叱退之皇長子既  
慈慶選侍猶踞乾清不肯去宣言將垂簾公抗論十  
方于掖門于殿廷者日以十數叱小監于麟趾門者  
心閣臣方從哲及大奄于朝者再選侍乃移一號殿  
子復 乾清移宮 口奮呼叫呼聲淚迸唱選侍

九廟前殺我則已今日不移宮死不出矣聲徹御

臣皆驚上語近侍鬚子官真忠臣也 初學集

年秋乾清宮左右小殿成上命禮部尚書夏

額殿東貯冕弁西藏書史言擬左曰端擬右曰懋

上悅曰卿所擬取端冕擬旒懋學勤政義甚善遣中

賜言金幣 國朝典彙

乾清宮丹陛下有老虎洞洞背為御街洞中甃石成壁

往來帝嘗於月夕率內侍睹迷藏潛匿其內 天啟

詞注

陳棕詩石梁深處夜迷藏霧露溟濛護月光捉得御  
衣旋放手名花飛出袖中香 天啟宮詞

禎元年書敬天法祖扁額命司禮監掌印太監 一時

懸乾清宮大殿兩楹書人心惟危道心惟微惟精惟允執厥中十六字崇禎遺錄

煖殿萬曆七年五月添額名肅雝殿至十一年四月

德殿東煖殿萬曆十一年閏二月添額弘德殿本

月更昭仁殿殿額名

七年四月輔臣張居正進肅雝殿箴上覽而納之

御屏十一年四月大學士張四維等進昭仁殿

作殿箴神宗實錄

清宮一於簷東思政軒西養德齋崇禎五年四月安

中圓一交泰殿嘉靖十四年七月添額宮殿額名

明宮一曰交泰殿則皇后所居也有中門向後恒

較閣在乾清宮後凡九間中一間置床三張于房下即

以天橋上左一間之下置床三張于上又以天橋下左

二間之下間置床三張于下又以天橋上左三間之上

間又置床三張于上又以天橋下左四間之下間置床

三張于下右四間亦如之天橋即人家樓梯也凡九間

有上有下上下共置床二十七張天子隨時居寢制度

殊異宙載

坤寧宮嘉靖十四年七月添額東露頂安德齋崇禎六

年四月更貞德齋西露頂養正軒崇禎七年八月安扁

東披簷清暇居北圍廊游藝齋俱崇禎五年十月安扁

宮殿額名

廣運門更坤寧門嘉靖十四年七月添額同上

日下善聞

卷七

七

坤寧宮左曰永祥門右曰增瑞門俱萬曆二十五年二月添額同上

官人有弊罰提鈴每夜自乾清門至日精門月華門仍還乾清宮前方止高唱天下太平聲緩而長與鈴聲相應天啟宮詞注

禁中歲除各官門改易春聯及安放絹畫鍾馗神像像以三尺長素木小屏裝之綴銅環懸挂最為精雅舊京遺事

舊例宮中歲首不貼門神殿門外列綵裝二狀如傀儡以木為之長與人等每歲除則飾以冠笏與人無異崇禎未綵裝入夜輒走久之日未落即走內官不敢獨行見其來輒引避一老中貴言之良齋筆記

過日精門之東曰崇仁門稍南曰內東裕庫曰弘孝殿

曰神霄殿日精門往北曰順德左門燕史

隆慶元年三月更名景雲殿曰弘孝殿穆宗實錄

弘孝神霄二殿奉安孝烈皇后孝恪皇太后萬曆三年

徙神位于肅皇帝室罷弘孝神霄之祀春明夢餘錄

葺震門恒閉遇掃雪則開燕史

大內每雪後即於京營內撥三千名入內廷掃雪輪番

出入每歲俱然亦有游閒年少代充其役以觀禁掖宮

殿者又南京舊制有揀花舍人額設五百名蓋當年供

宗廟薦新及玉食糖糧之用今廢久矣五百揀花三千

掃雪亦兩都佳話也野獲編

宮正司六尚局曰尚衣曰尚食曰尚功曰尚服曰尚寢

曰尚宮皆在乾清宮之東 燕史

景仁宮初名長寧宮有惟和從善二亭延祺宮初名長

壽宮有集瑞亭永寧宮崇禎五年八月更承乾宮東配

殿曰貞順齋西配殿曰明德堂俱崇禎七年八月安扁

宮殿額名

田貴妃居承乾宮 玉堂薈記

永和宮初名永安宮咸陽宮更鍾粹宮隆慶五年十一

月更前殿為興龍殿後殿為聖哲殿後有小院名龍德

齋景陽宮名長陽宮嘉靖十四年五月更名 宮殿額名

千嬰門之北並列者則乾東之房五所 燕史

過月華門之西曰遵義門向南者養心殿也向北則司

禮監掌印秉筆之直房祖制宮中饌房原在隆道閣後

魏忠賢移于怡神殿而以其房為直房養心殿

曰祥寧宮宮前向北者曰無梁殿世廟煉丹 燕史

月華門西南巋然者隆道閣也 同上

嘉靖四十一年九月改乾清宮右小閣名曰道心旁左

門曰仁蕩右門曰義平 世宗實錄

隆慶四年二月命工部于道心閣精一堂臨保室舊

重建閣曰隆道堂曰仁德室 世宗實錄

長樂宮更名毓德宮萬曆四十四年十一月又更名永

壽宮未央宮更名啟祥宮 宮殿額名

啟祥宮神廚目兩宮災後遂居於此 燕史

嘉德右門南向為隆德殿供三清元武諸神神廟時

天啟七年重修 同上

隆德殿卽元極寶殿隆慶元年更名崇禎六年更中正殿左有容軒右無逸齋俱扁左配殿曰春仁右配殿曰秋義宮殿額名

崇禎六年乾清宮隆德殿所供卍佛像盡移于朝天宮大隆善寺崇禎遺錄

隆德殿西北曰英華殿以供西番佛像有菩提樹二株燕史

英華殿前菩提樹兩株六月開黃花秋深子落子不從花結與花並發而附于葉之背瑩潤圓整可作佛珠此樹為李太后所植太后上賓神廟上尊號曰九蓮菩薩祀慈容于樹北天啟宮詞注

英華殿先名隆禧殿隆慶元年更名崇禎五年撤額

殿額名

英華殿元旦供年飯素澆頭立春供素饅餅春蠶臥餒元夕供果餠蠶兒四月八日供大不落夾二百對不落夾三百對五月五日供粽子四百枚冬至日供餛飩臘八日供粥料光祿寺志

嘉靖十四年五月更萬安宮曰翊坤宮長春宮曰永宮壽昌宮曰儲秀宮壽安宮曰咸福宮咸熙宮曰咸心宮萬曆四十三年六月復更永寧宮曰長春宮宮殿額名

袁貴妃居翊坤宮玉堂薈記

百子門之北並列者則乾西之房燕史

出會極門之下曰佑國殿供元武修其東則內承運庫



再東曰香庫稍北有石碑曰古今通集庫以貯古今君  
臣畫像符券典籍歲六月六日曝之同上  
會極門東向南者文華殿也有扁曰學二帝三王治天  
下大經大法者神廟御筆也繩愆糾謬者小臣杜詩筆  
也有精一堂恭默室九五齋殿之後曰玉食館西北曰  
省愆居其底用木爲通透之基高三尺餘下不令墻壁  
至地四圍亦不與別處接凡遇災眚駕居此以示修省  
殿之西曰崇本門殿之後曰刻漏房銅壺滴滴在此凡  
八刻水則交一時直殿監宿抱時辰牌赴乾清門裏換  
之牌長尺餘石青地金字書曰某時途遇者必側立讓  
行坐者必起立亦敬天時之義也同上

蔡羽詩千川花柳轉楓宸百和香中過筆

從天上落六宮仙子時辰

正統三年五月書天下文武方面官姓名于文華  
諭行在吏部兵部臣曰庶官賢不肖難知使淑慝  
莫辨將孰與爲善爾等朝夕在左右朕熟知之在外  
或知有未盡先朝嘗命書其姓名于武英殿南廊或  
奉天門西序以備觀覽爾等其書中初留守司各  
布政司按察司姓名揭于文華殿候儒臣進講之  
以考其人之賢否而加黜陟焉實錄  
天順八年始開經筵歲以二八月中旬始四十月下旬  
止先期于文華殿設金鶴香爐于寶座之南左右各一  
香爐之東南設御案講案各一案上置進講書鎮以金  
尺至期知經筵官勲臣閣學講官暨九卿鴻臚錦衣指

日下舊聞  
三  
揮使及四品以上寫講章官俱繡金緋袍展書翰林官  
與侍儀御史給事中俱青繡服大漢將軍二十人導駕  
至左順門易冠帶仍執金瓜候伯則易金繡蟒衣綴立  
文華門外宣入將軍負東西墻立祝允明九朝野記朝  
制選將軍直殿所司有木架高八尺選者立其身與之  
齊擔五百劬輒行殿庭一匝為合格諸臣行禮畢升陛  
由殿東西門入序班舉御案進上前隨舉講案講官出  
班立展書官二員出班對立講官行禮興東展書官膝  
行詣御案展四子書講義講官進講畢退西展書官展  
經義儀亦如之講畢上諭官入喫酒飯各官承旨出拜  
升陛下乃請左順門讌以官序註學士序鴻臚及四品  
以上寫講章之官之右曰講官凡四員日輪二員進講

講畢宴于文華門外西廡禁謂之小經筵亦謂之小  
講瑣綴錄

經筵始開相傳每講畢命中官金錢于地令講官拾  
之以為恩典立齋間錄

經筵進講在文華前殿日講在殿後穿廊正字在後殿  
東閣設一幄次又東一室乃上所游息處穀城山房筆  
塵

講殿中范金為二鶴立于左右鶴頭各挿香二炷費文  
憲公摘稿

文華殿東室奉伏羲神農軒轅堯舜禹湯文武九聖南  
面周公孔子左右東西向歲春秋開講前一日皇帝皮  
弁服拜跪用羹酒果脯帛行奠告禮春明夢餘錄



陸深經筵紀事詩經筵開自祖宗朝按月逢旬第二  
朝今上春秋偏好學三千年後見神堯編排御覽效  
精誠白本高兩手寫成句讀分明圈點罷隔宵預進  
講官名絲鞭聲肅退朝官名在經筵畧整冠一字班  
行先出隊中臣扶輦下金鑿金水河頭白玉橋上公  
寶帶侍中貂遠巡小立瞻龍氣左順門高御帷飄文  
華殿啟奉天東滴翠浮青映碧空譚藝講經頻設仗  
太子天子坐當中百官朝下殿門前仗馬雙牽七寶  
鞭黃道正中移步輦侍臣班從赴經筵龍池鳳掖  
朝曦板轡初回轉角門聽唱官人來進入講章默  
又重溫殿陛森排劍戟金貂玉蟒護真龍司儀  
案雙雙過御榻前橫經儿子赭羅裙

團龍簇繡雲擡向御前安穩定黃金鎮尺兩邊分第  
廳協兩坊長跪拈書渥手擲幸對天顏剛咫尺  
禮嚴不取舉頭看行出班水面照西牖聲高颺叩頭  
齊參差進平聲肩立輪着周書孟子題兩行冠  
珮列金緋奉諸臣盡繡衣步入殿門同罄折講官  
端批靠南扉師保公孤儘上行元勳立近袞龍傍紅  
雲不動爐州細聽講虞書第幾章金鶴飄香瑞靄濃  
寶鑪籠火擁蟠龍未曾暫經傳旨不嚴寒報仲  
冬綠琉璃殿洞重門黼宸中陳擁至尊傳與大官供  
酒飯兩班文武盡承恩白玉闌干與案齊一行簡核  
盡朝西珍羞良醞俱名品指點開囊囑小奚恣容沾  
醉總仙桃黃閣三公共六曹步出順門俱北面瞻天

拜舞不辭勞隔宿薰衣問夜闌齋心轉覺副心難不  
知言功多少到得君身保治安齋辰服次聖躬勞  
淺座高昨日御批傳帖下龍紋重整赭黃  
袍步下東班風細傳言縹緲間暫倚木天西  
面望鄂兩宮還殿山集  
于經筵述講紀述詩延英別殿倚平臺問道恭  
承步輦來席平依丹地轉經函近對御筵開凝旒  
睇穆聞天語委佩從容列上台聖學方隆恩應茂儒  
臣長此咏康哉穀城山房集

寺華有直殿中書擇能書者居之

春明夢錄

其宮殿別額皆朱孔陽筆孔陽

叢說

李應禎成化中為中書舍人直文華殿有吉  
辭不應且上疏曰臣聞為天下國家有九經不聞有  
經也忤旨廷撲之因罷殿臣宗實錄  
天順二年皇太子出閣讀書上召賢謂曰宮講  
在文華殿朕欲避居武英但早晚朝太后不便姑以  
廊居太子天順日錄  
故事太子出閣設座于文華殿自嘉靖十五年改易黃  
瓦仍為主上經筵之所野獲編  
朱國祚東朝即事殿庭香霽接雲平一道爐函夾陛  
行肅肅講臣齊鵠立金蓮影裏喚先生介石齋集  
永樂中召試庶吉士文藝多在文華殿宣德八年上御  
文華殿召庶吉士請文淵閣試親第其高下取十三人

日下舊聞

卷七

七

蓋因永樂之舊也 翰林記

文華殿孟夏祀竈孟冬祀井 光祿寺志

文華殿後東室皇上齋居於此繪正心誠意字懸于西

壁繪敬一字揭之門左右楣設御榻東壁下有御屏三

曲護焉西室設新榻為齋宿所命工繪漢文止輦受諫

圖懸之左唐太宗納魏徵十思疏圖懸之右 桂洲集

嘉靖十三年九月文華殿後九五齋恭默室訖 一叩輔

臣以詩紀其事於是大學士張孚敬李時各為 言律

詩四章上之 世宗實錄

恭默室者文華後殿之東九五齋之西室也 壁繪

河圖東壁洛書西壁鳳鳴朝 桂洲集

夏言恭默室頌 皇作室 丑之側皇錫少 心口

恭默恭默伊何巨惟思道無臭無聲至德之妙河有

龍馬洛有神龜鳳皇鳴矣雝雝喈喈按茲三圖聖王

之瑞以開人 以來帝賚大哉聖心惟恭惟默與天

同遊懋建皇極 桂洲集

支大綸文華殿御書頌粵茲元黃昉判七政羅錯斷

鰲補石穹規載廓巢風永頽義埃懸邈惟彼陶唐有

此冀方虞舜入禪並曜重光睦族徽典之紀之綱既

輯玉帛爰同律曆惟時惟幾聿修厥德禹乃嗣興敬

承弗忒湯纘禹祀肇修人紀風愆永戒奄甸疆理周

王代之如矢如砥三壤經國九疇叙倫周禮周官郁

郁其文條分縷析典則斯存昭茲遐躅爛焉汗竹浹

深極高民熙物育訐謨懿範永植君鵠於鑠我皇侔

德昊蒼睿思忡忡昧爽靡遑躋唐堦虞肩夏踵殷鑒  
于有周乃武乃文黼座高敞璇臺廻蠡鳳藻雲廻龍  
章電燭法言在御載留神矚稽古立則日乾日惕左  
右天經張弛民極覆之憐之無怠無斃寶綸輝映乾  
度永正勉勉我皇四方其靖保我奉符式昭靈慶

華  
萃錄

嘉靖十七年作聖濟殿於文華殿後以祀先醫 國朝典

彙

黃諫嘗作京師泉品謂玉泉第一文華殿東大廳

二 玉堂叢語

崇禎時中外多事每遣羽流於南城爲章醮之舉  
后妃密往行禮自文華殿西夾道中往來一日

接本在會極門忽傳駕返 避入文華門西直房于

廳隙中闌見上乘小輦輦前 兩宮娥其次后輦又

出袁二妃輦歷歷見之不知上亦闕見矣俄使中

姓名上復遣諭之至外勿言也 玉堂叢語

萬曆二十七年四月建端敬殿 神宗實錄

端本宮在東華門內卽端敬殿之東前庭甚曠長數十

丈左爲東華門右爲文華門光宗皇帝青宮時所居也

天啟末懿安張皇后移居于此名慈慶宮其外爲徽音

門壬午八月懿安移入居仁壽殿因改爲端本宮以待

東宮大婚官門前三石橋蓋大內西海子之水蜿蜒從

此出焉皇太子原居大內鍾粹宮在坤寧宮之左旣漸

長當移居上以慈慶爲皇考舊居其後勗勤宮卽上舊

居也。因以居東宮。奉遷懿安皇后於仁壽殿前門。徽音  
改前星門內關。雕左右門。改爲麟祥燕翼。第二門麟趾  
改爲重暉。第三門慈慶。改爲端本。純禧左右門。改爲養  
正。體元再入爲端本。宮中設皇太子座。畫屏金碧。座左  
右二大鏡。屏高五尺餘。鏡方而長。左右各有連房七間。  
門上各畫紗。畫忠孝廉節故事。左七間。卽寢宮。內有二  
雕床。餘皆空洞。右七間。有瑠紅寶座及奧室。其內有弘  
仁殿。規制曲折。與左不同矣。又後爲穿殿兩廡。翼然有  
清正二軒。又後則聚寧門。今改爲凝寧門。端本宮至此  
止矣。此後爲龍淵門。又後爲奉宸宮。其右有承華門。入  
後則左爲勸勤宮。右爲昭儉宮。又後爲麗園門。慈書  
清寧宮。太子所居之宮。今皇子旣冠。皆居於此。病治

後記

禹曆四十三年五月有妄男子張差持挺入慈慶宮時  
皇太子移居宮內。差入第一門。寂無人。第二門止。兩奄  
人守之。一年七十一年六十餘。爲挺所仆。遂至殿簷下  
超級而上。韓本用等執之交。東華守門指揮朱雄皇太  
子以聞。先撥志

奉先殿在神霄之東。殿九室。如廟。寢制。國有太廟。以象  
外朝。有奉先殿。以象內朝。每室一帝一后。如太廟。寢殿  
其祔祧。迭遷之禮。亦如之。凡祀方丘。朝日夕月。冊封告  
祭。及忌辰。在焉。餘皆於太廟行之。永樂三十五年始作  
春明夢餘錄

奉先殿薦新品物。正月韭菜生菜薺菜鷄子鴨子。二月

芥菜臺菜萋蒿子鶯新冰三不筍鯉魚鵪鶉四月蠶  
猪雉雞青梅王瓜杏子櫻桃白酒五月小麥麩沙糖紅  
豆嫩雞桃子大麥茄子李子來禽蒜臺煮酒六月冬瓜  
甜瓜西瓜蓮蓬七月葡萄棗子鮮菱雪梨芡實八月菱  
白嫩薑鱖魚鮮藕粳米粟米糝米芋苗九月鮑魚小紅  
豆沙糖栗子橙子石榴柿子生酒十月山藥蜜活兔柑  
子橘子米糕豆腐蓼花米糖細糖銀魚子鱗魚魚凍十  
二月蕎麥麩紅豆沙糖甘蔗獐子天鵝鹿雁十二月菠  
菜鯽魚白魚風鯽魚 光祿寺志

奉先殿供養初一日捲煎初二日髓餅初三日沙爐燒  
餅初四日蓼花初五日羊肉肥麩角兒初六日糖沙餡  
饅頭初七日巴茶初八日蜜酥餅初九日肉酥油初十  
日糖蒸餅十一日盪麩燒餅十二日椒鹽餅十三日羊  
肉小饅餃十四日細糖十五日玉茭白 六日千層蒸  
餅十七日酥皮角兒十八日糖棗糕十九日酪二十日  
麻膩麩二十一日蜂糖糕二十二日芝麻燒餅二十三  
日捲餅二十四日燒羊蒸飽二十五日雪糕二十六日  
夾糖餅二十七日兩熟魚二十八日象眼糕二十九日  
酥油燒餅三十日糖酥餅 同上

崇禎十六年夏一夕大雨霹靂起奉先殿中詰朝視之  
殿門俱開門前白石爲雷火所燔有蟠龍痕門上今鋪  
龍爪印其上爪所着處金皆鎔化中官馬從龍云 良齋  
筆記

八月二十三夜雷震奉先殿廟脊鴟吻碎中有劍削拔



去不知落在何所廟門玲瓏雕刻處皆損壞有龍爪痕  
太監蘇允寧換賜吻比前減小上不悅降允寧級級冠  
紀畧

嘉靖六年三月移建觀德殿于奉先殿之左改稱崇先  
殿奉安恭穆獻皇帝神主世宗實錄

孝肅紀皇后薨禮不得耐廟乃于奉先殿右特建奉慈  
殿別祀之嘉靖十二年并祭于奉先殿罷奉慈享薦春  
明夢餘錄

中官初入選進東華門門內有橋曰皇恩橋謂從此即  
受皇恩也俗呼曰忘恩橋以中官既富貴必讐其所生  
蓋耻之也客腕問諱

天啟元年正月詔選淨身男子三千人時民間求選者

八喜宗實錄

詠人以兵科給事

同臯奏再收一千

百

張世則宦寺多怙勢天

諸曹分監

職有規程上收無三品中

北軍權不與君

側惡常清

區大相詩聞

掃除先朝停鎮守近

日典方輿貢採山川竭徵

邑虛明明皇祖訓宮

府義何如海目集

上皇居南城七年矣景帝病都督張軛與其弟輓武清  
侯石亨太監曹祥謀請上復位亨等夜過徐有貞密  
定計出會吉祥及靖遠伯王驥御史楊善兵部侍郎  
陳汝言等至長安門下門開亨等以兵千人入有出入

者輒呵止之宿衛皆敬員收諸門鑰投水一時方

四鼓天晦有貞呼曰時可矣率眾薄南宮以俄隱

隱有開戶聲有貞使數人舉梁欂以衝門喇垣入

毀之城中黠翳軌等入太上皇自燭下出登輦

有貞挽之前擁上皇登遂夾輦行忽月昇導入

自東華門遂片奉天門鳴鐘鼓上登即位

禮時正月壬午日也名山藏

武英殿之右順門之西規制如文華凡召見大

臣於其中後以文華殿近慈寧宮故歷朝居之而武

英殿遂御崇禎五年三月皇后千秋即婦當朝

贊先十日文書方傳論文武命婦從西安門北安門進

西華門行禮甲戌三月再行朝禮命婦自

門

一飾九龍四鳳大花十二樹小花如大花之數兩入黎明皇后升殿冠為圓匡冒以翠

二鈿服褱衣深青為帶畫翠赤質五色十二等素單翻領珠羅縠標襖裾蔽膝隨衣色以緞為領緣用

翟為章三等大帶隨衣裏紕其外上朱錦下以絲綿

鈕約用青組玉革帶青襪以金飾宮女服用紫

色圓領窄袖偏刺折枝小花上以金圈之珠絡縫

金束帶紅裙弓影蟻烏紗帽花帽額綴團珠結珠

髻梳垂耳飾命婦花冠釵用翟衣素紗中單繡

朱縠襖裾蔽膝隨裳色為領緣加文繡重翟

為音二等大帶隨衣色革帶金烏角不等青襪

烏佩綬入班立四拜成夫人入殿

內致詞命婦皆跪三叩頭起立

出辛巳十月皇

嫂懿安皇后聖節六許命婦朝賀

春明夢餘錄

本朝命婦入朝贊行四拜皆下手立拜惟謝賜時一跪

牛穀城山房筆塵

門一為武英殿命婦朝賀中宮於此殿

燕

按崇禎七年三月命婦入朝中宮實於英

殿先伯祖母趙淑人與焉是年十月朝懿安

皇后于慈寧宮至十年三月復朝中宮于隆

道閣劉若愚繫臣燕史亦云武英殿命婦朝

中宮於此而夢餘錄則云仁智殿為命婦朝

賀中宮之地若愚謂仁智係停梓宮之所則

皇后千秋節必不於此受賀可知已

夫有待詔擇能畫者且

春明夢餘錄

徽宗立書畫學書學即今文華直殿中書畫學即今

英待詔諸臣然彼時以此立學時有考校今止以中

宮領之不關藝苑無從稽其殿最故技藝之精遠不及

矣穀城山房筆塵

崇禎三年命武英殿中書畫歷代明君賢臣圖書正心

誠意箴于屏置文華武英兩殿崇禎遺錄

南薰殿凡遇徽號冊封大典閣臣率中書篆寫金寶金

冊御用監必殺鹿一隻蒸魚作羹此舊典也迨遙城在

歸極明之西南今無之矣

燕史

仁智殿在武英殿後俗所謂白虎殿是也凡大行皇帝

宮停于此同上

國朝特設仁智殿以處畫士一時在院中者人物則蔣一成翎毛則邊景昭山水則商喜石銳馬軾李在倪端休暹鍾欽禮王諤朱端然皆畫家第二流人四友齋叢

孝宗嘗至仁智殿觀鍾欽禮作畫見其皴劈飛動從背

後久立鍾不知也既而忽將其鬚大呼曰天下老神仙

鍾遂以勅賜天下老神仙七字刻石作私印明良記

思善門在仁智殿東南燕史

仁宗卽位建弘文館於思善門外駕嘗臨幸講論經史

不倦殿閣詞林記

十月上坐思善門選東宮官路紀

弘文館在大內之西正統中始革去病逸漫紀

慈寧宮在寶寧門北燕史

禁中有大善佛殿內供金銀佛像并金銀兩貯佛骨佛

頭佛牙等物上旣撤佛設卽其地建皇太后宮世廟識

錄

大善殿舊塑佛像棲各梁上備諸淫褻之狀又有佛骨

數萬觔內雜以石一切焚棄別改慈寧宮焉四友齋

叢說

世宗欲撤大善佛殿建太后宮夏言請勅有司以佛骨

瘞之中野世宗曰朕思此物智者以爲邪穢必不欲觀

愚者以爲奇異必欲尊奉今雖埋之將來豈免竊發乃

焚之于通衢毀金銀佛像凡一百六十九座佛骨佛牙

凡一萬三千餘觔

雲谷卧餘

按新城正東坊崇真觀有胡祭酒澗碑稱大  
內大善殿乃司禮監太監張政督工監造是  
殿成于永樂中矣

嘉德右門之西曰長庚門凡夫匠淘溝及修造或官人  
疾故皆開此門出入其外自元武門迤西可九間自北  
而南迤長庚橋至御酒房後墻曰長連三十九間再前  
曾曰短連三間連元武門東計之通共五十四間總曰

下 燕史

法酒總名長春有上用甜苦二色給內閣者以黃粟

士以紅粟 傍秋亭雜記

法酒出大璫造者亦佳但或甘或烈似未得平令人

熱及好渴不堪醉也 鳳洲筆記

坤寧宮之後則後苑也欽安殿在焉供元天上帝之所  
也有魚池假山奇花異樹東南曰瓊苑左門西南曰瓊  
苑右門 燕史

成化十二年八月戶部尚書兼翰林院學士商輅等言  
祖宗創為郊祀歲一舉行極為慎重邇者傳聞皇上於  
宮北建祠奉祀玉皇天郊祀所用祭服祭品樂舞之具  
依式製造并新編樂章命內臣習之欲於道家所言神  
降之日舉行祀禮臣等稽之於古未為合禮夫天者至  
尊無對非他神可比事之之禮宜簡而不宜繁可敬而  
不可黷今乃別立玉皇之祠祀并用南郊之禮樂相去  
一月之間連行三祭未免誠意不專且郊祀所用執事

并樂舞生皆神樂觀道士爲之刑喪病疾之人一切不預祖宗制禮蓋有深意存焉伏望聖明將所建神祠停罷神像送宮觀侍奉祭服祭器樂舞之具送太常寺收貯凡內廷一應齋醮悉宜停止疏入上命拆其祠實錄弘治十一年七月太監李廣奏欽安殿設齋醮當用旛竿工部尚書徐貫等謂非祖宗舊制且宮禁之內不宜用此上曰是其勿造孝宗實錄嘉靖二年四月太監崔文舉於欽安殿修設醮供請駕拜奏青詞給事中張嵩知其左道誣惑請火其書斥其人章下所司世宗實錄

按此乃建醮青詞之始也

欽安殿門曰天一之門嘉靖十四年添額有萬春亭千

秋亭嘉靖十五年添對育軒嘉靖十四年夏玉芳軒四神祠有觀花殿萬曆十一年毀之壘石爲山作石門扁曰堆秀山上有亭曰御景東西魚池亭三

浮碧右曰澄瑞又有清望閣金香亭一亭樂志齋曲

流館至萬曆十九年毀官殿額名

夏言欽安殿詩欽安殿前修竹園百尺琅玕護紫垣夜夜月明搖鳳尾年年春雨長龍孫桂洲集

欽安殿後曰順貞門其宮牆外則元武門每夜更鼓在

焉蘇史

隆慶四年二月建英明閣于禁中穆宗實錄

大內後門有丹漆巨樨一丈此扉不知幾何年矣成化間偶墜地破乃鬆竹中藏卷三一爲王摩詰畫真蹟國

史唯疑

紫禁城內之河則自元武門之西從地溝入至廊下南  
過長庚橋裏馬房橋由仁智殿西御酒房東武英殿前  
思善門外歸極門外皇極門前會極門北文華殿西而  
北而東自慈慶宮前之徽音門外地而南過東華門  
裏古今通集庫南從紫禁城墻下地溝亦自與方出歸  
護城河或顯或隱總一脉也無史

口下舊聞卷七終

卷七補遺

宮室五

統中在朝每宴享廷中東五獸近陛之東西二獸東  
麟身似鹿灰色微有文以特長殆將二丈望之如植  
其首亦大槩如羊頗西非所云麕身鳳肩有許文彩  
也右騶虞亦與傳記所稱不同九朝野記

崇禎丁酉年十一月長至羣臣朝畢思陵步至殿前近  
白石扶闕諸王府所進馬按神駿者四匹畫其狀命  
撰名以進其一曰太平驗綠色有紫點其三曰玉  
知曰吉良乘曰璿臺駿皆白馬也於是閣試以天閑  
駿歌為題有老中官云雅坪散錄

式舉人殿試內閣大學士學士等官詳定試卷次日

口下舊聞

卷七補遺

文華殿內閣官將第一甲三卷以次進讀俟御筆  
定出將二甲三甲姓名填寫黃榜又次日早同赴華  
殿內閣官進至御座前以次拆卷將姓名籍貫面奏  
禮監官授制勅房官填榜畢開寫傳臚帖子內閣官  
員捧榜出至奉天殿授禮部尚書制勅房官將帖子  
授鴻臚寺官傳臚

明會典

國初讀卷用祭酒修撰等官正統中猶與其事其後非  
執政大臣不得與而去取之柄則在內閣國初於殿試  
之明日即傳臚揭榜今制稍寬約三日內閣卷禮部  
地專而人衆庶得盡心鑒別云

登

考

楊士奇新改華蓋殿學士入奏上望見

夏原吉

曰新學士來奏事必有理試其聽之士奇言

旨賦北京山東棗八十萬供宮禁灰之用

得無過多上喜曰朕固知學士言有理即命減除

萬三朝聖諭錄

崇禎元年七月壬辰上題乾清宮額曰敬天法祖

黃佐乾清宮賦不鑠神明帝心鴻德通寧寰區列

受之宅離作如秉粹精以靈握隆熹之昌符文

振業依黔羸与奠辰樞綵穹筆此天居粵乾

之祕宮總玄黃之噴薄何富媼之蘊靈竣定鼎而

獲洎龜謀之襲契準太紫以營蓋以疏明淪聰

神習體軼煩惱而游冲漠者也稽諸遠古合官總

黃虞之始經營而成周絡寢之所儀九筵五雉於皇

拓之既普而深亦麗且彌匪維宴娛日監在茲湫



霄霓之中於以敬陟降而崇崇建休號以詒燕  
蓋亦已百有餘基矣越關逢四八之歲赤燦章怒  
攸孔震結構逶涌氛祲徹曼八之嫁雪將第  
而布新詔司空而儻工走羣靈八神斲石則  
問不周之嶼掄材則荆揚岷峩之阻輓修粹則山  
稠敷伐輪囷則雷闔邪許驥駢駘滯滯與八  
為滄蕪日成暑陶埴鍛厲之屬莫不胙分其八  
是乎揆日晷驗星文陳圭臬繫廣輪宗伯獻八  
效勤葵聲簌岳鍾徒篲雲獲人司墜匠慶揮八  
削屢子來以趣役者虎八吐而靈犇既迺考工  
萬雕摩維精貫輪飾八綉然陽化爍爾陰八  
於大鈞雖鬼神其猶憚八其為狀也豐

崢嶸縵縵莫莫慘流交嬰邈岑隆以閱壯且砢磷而  
靖冥啟啟赫以歲魄儵嶮良而齋停岩堯狃于天漢  
紛攢羅而混成壤殊倣儻不可殫形况兮忽兮撒膠  
葛騰九閏接耀魄之威神幹璇璣而緯高明羗跼躑  
以鞞蟾魂悚悚其若驚爾乃登泰階之三重遵軌涂  
之盤曲鈎陳縱縱以匡衛閭道駮駮而延屬印而儻  
之若燭龍之蜿螭引扶光而躑若木頰而履之若巨  
鰲之鼉鼉運九垓而苞百谷團殿般般以離立珠煩  
黃以相燭函緼緼之元氣文何有乎璿黓彼曾城與  
縣圃昔傳聞而今駭矚其上則觚稜高標金爵翹翹  
琉璃鱗鱗劃霓摩霄織烏顧兔出沒扶搖屹華表以  
縈旬始莅颯撥乎斗杓簷牙翔而阿雷奮絕浮景而

翻碧寥其下則卸砌瑤礎右平左城承以峻基廣以  
夷石盤以蛟螭塗以朱碧鞏若崑崙鎮奠南極則勞  
繒綾禮禮卽卽其中則縣縣房植耽耽層覆梅梁揭  
宇藻井承漏構櫺林修椽曲校飛椽浮柱支撐環  
句題鄂衝蕤以霞張栴棟媿媿而霓糾傍天蟠以紺  
開遑沛艾以赴嶼上翫麗以互經下弼歛而騰湊玉  
繩荷坭於奧宮瑤光燦朗於空牖轉依度闕雙略鴻  
溶網戶翠錢金鋪瑣牕五采爭勝流岫走虹壁門洞  
開璀璨玲瓏流蘇縣瑞招搖從風文峴曲瓊燁燁雍  
雍鼉采夜光之飾與灝氣而相通詆蕩蕩以宰豁忽  
聊聊而冥濛架五城而張六幕終紛員而莫窮其外  
則輦路纏漣崧垣周廻複道之阪達于平臺玄厲黃

硬而以玫瑰苑苑葱蒨垂楊大榭永巷迤邐是爲總  
街乃顧二門業業將將日華左右相望鬱儀望  
舒駐轡而驤重闌逾延開闔陰陽試舉其名則維百  
福與千祥杳騁驚以竚窅躋躋欄而攀天梁東望文  
華蒼龍守闔上憲攝提析木之津搖山之碧鏤蹠  
荔丘之寶輪册府申觀圖書萃閣開館昱爚燐  
峒西望武英金虎環陛象彼蒲石積膺牙璋葆  
旅焱動靄厲蒿室蘭唐截臬迨坦之外周廡宿  
衛於前則華蓋謹身通于奉天泰壹文昌太微  
三光之廷帝車運衡合契軒轅海照燁燁在焉  
垂拱中宸恭默如淵於後則坤寧城舍貞符矩位  
正玄枵星躔婺女抗虹扶棟鑿翠闕御四榮雲譎萬

拱菱杼玉卮金釭鵬騫鳳舉儷我宇極以爲內主若  
迺仁壽清寧問安承顏黔干黃祇作彼玄間彼照德  
興泰長春百花諸宇則又儲靡曼而列幽閒衝風颺  
乎關幙散或或之椒蘭紅繡績與櫺杼儼河鼓之天  
孫函菱蕻以晞日珩瑤曼乎珊珊爰設六尚以掌九  
室冠袍鞞鞞其儀有似彤瑄煌煌伊違斯弼叙燕寢  
之條 但授環而戒逸銘槃鑑以昭警司精微於密  
勿爾迺煖殿弘敞青軒彤墀 甲乙翠被絳旒霍  
落簾櫳晷晷不恩循除而架有筮 簾盡頂重撩槎  
牙剝施方亭曲榭獸鑰賊陝歷夫 安仁智乃瞰百  
子之池游儵灑瀾汎淡漣漪鳴鳧翔鶴額頰栖遲植  
芭蕉與芙蓉靈囿莽乎萋萋監宮鶴立以企幸職蚪

龍旗黃衣有 如掃供事儀文璫綬以及櫛  
監局之號二十有四銀瑞珥貂時維闈寺挈壺之  
設于彼外闈蓮燈虬漏貯水運機偶神按候與天弗  
違鷓沼鵲樓黎旭熹微鼓登析應鷄人嘑旦蟲飛而  
會盈燎輝而色辨天子乃駕鸞蓋鏗鯨鐘清黃道出  
紫宮端門載啟純法當中左掖右掖星共雲從羽林  
森森而就次旄頭鬣若其蒙茸自三能而逮卽位莫  
不矢心於重瞳明庭景曷玉未遑食庶采旣臚乃還  
宮而定息猶糾皮乎天刑久惕厲乎袞職守琬琰之  
葵章鋪鴻藻而立極誕茲宮之成也聖神聿興時維  
綴旒信帝心之簡在月迓德而彰景休皇輿發迹乎  
郅甸鳴玉鸞之啾啾歌斯干以考室非鬼神而孰謀

軫民役之勞疾卽先后之懿猷蓋奕奕欵欵執執如也於是帝慕霄縣緹帷宿設雲構呀赫登降詘折龍超虎視遠瞻近營披撻奇妙規矩柜叶神移天運俞哉匠哲魯牢籠乎宇宙挹三辰而可擷山川瓊尾而在下九野鏗鏘而昭晰威靈旁魄而四塞規萬世而妥洪業乃念宣廟圖揭以稼穡艱難景阜心融乃念敬考調元習靜光祚思賢永言顯聖是以服閑邪之炯戒體慎獨之徽言追徃初之遐躅襲得一之自然日出王與游衍恒對越乎昊天味爽兢兢而練要蓋冥心乎馮翼之先於是乎革批政尚仁厚興禮樂節甲冑振幽滯揚側陋咨九扈禮三壽乃郊上玄以在宥聲從 灑灑霖究覆露人於毫芒猶闔懼

可敷茂慶霄揆而嘉穀穎顯臍蠻之純兀然猶兼其仁烈懋謂小康尔去奇袤以謹怠荒邽大隗而問道誦丹書而白疆攬日月以爲明擄雲漢以辯章前輩廉以渙號後屏翳使服箱靡握譽而爲綱旋濛瀛而慘昌光而豐隆與列缺砰震曜乎鬼方永合德乎泰清紘六合而爲綱諱曰灑灑與區景曠禪麗麻神靈兮睢睢盱盱泛泛溟溟遠廣延兮戴盆掩袂晞天障日紛萬情兮維皇建極維聖存誠刪天經兮焯約脂幸玄潛築隙洞蘖萌兮沕滃曼羨錫胤隕祉仡頌聲兮時乘六龍昭受休嘉億斯齡兮泰泉集嘉靖十四年五月建啟祥宮侍講學士廖道南作頌以獻上優詔答之宮爲獻皇帝誕降之地嘉隆間見錄

舊規經之春講以二月十二日起五月初二日止秋講以八月十二日起十月初二日止熹宗實錄殿中金鶴一雙東西相向立盤中下有趺架飾以金朱以口含香香黑色如細燭狀外國所貢也其下則以三山小屏風障金銅炭鑪而展書官各立其下每冬則

集

于國楷恭默室箴序畧粵稽虞帝肇統危微泊乎商龍思恭默蓋恭以為默既不惛乎物交默而能恭不淪于枯靜於是啟文華之後鍵闢九五之清齋之嘉名曰惟恭默斯室也縮合官府之會參合內之交賢士大夫漸覺其地遠宦官宮妾浸假而情不勤將暴寒之慮易保持不密則咻傳之途

宜撫玉几而悚心觸奎壁而克念者也李之

公集

喜繪事一時待詔有時循倪端石銳李在百有

名又進入京眾工妬之一日在仁智殿呈畫方進以得奇之筆是第一幅是秋江獨釣圖畫一紅袍人垂

釣于小舟家惟紅色最難着文進獨得古法入妙宣

之廷從旁奏曰此畫甚好但大紅是朝廷品官

乎此去釣魚甚失大體宜廟額之遂揮去其餘

復見畫品

兩宮再建萬曆二十四年七月初十日開工至二十六年七月十五日告成兩宮之外交泰殿暖殿披房斜廊乾清日精月華景和隆福等門及圍廊房一

月下書司

卷七補遺

百一十間并帶造神霄殿東裕庫芳玉軒共用銀七十二萬冬官紀事

乾清坤寧二宮告成需石陳設滇中以奇石四十積分

製佳名以造曰春雲出谷曰泰山喬嶽曰神龍雲雨曰

天地交泰各大五尺一寸曰玉韞山光大五尺曰河洛

獻瑞曰元嶠雲收曰江漢朝宗曰奇峯叠出曰海山朝

旭各大四尺一寸曰錦雲碧漢曰虹臨華渚曰雪溪春

日羣峯獻秀曰麟趾呈祥曰龍翔鳳舞各大四尺曰

碧萬頃曰雪巖春霽曰雲霞出海各大三尺曰真山

曉曰山烟雨曰百川霖雨各大三尺五寸曰溪山

鵲大三尺一寸壽山福海曰雲漢麗天各大三

寸曰湖光山幽關紫氣曰春山烟雨曰卿

采曰雲霞出海各大三尺五分曰龍飛碧漢大

寸山水人物屏石八塊曰山川出雲大三尺九寸五分

曰烟波春曉大三尺四寸曰白雪春融大三尺三寸曰

雲龍出海曰槎汎斗牛各大尺五寸曰春雲出谷曰

宴河清曰振衣千仞各大二尺九寸時歲巳亥三月也

泉南雜志

萬曆間外方貢綠刺觀音一座其高六尺李太后迎供

心寧宮中過日集箋

經筵初開講讀侍從官皆有白金文綺之賜史成進御

亦進秩如賞書成以爭故去則不需恩數如先去不效

勞動偶值書成則得活恩數故有經筵頭修書尾之諺

長語

江夏吳偉畫山水人物、神品憲宗召至闕下待詔仁  
智殿有時大醉蓬首垢面曳破屩踉蹌中官扶掖  
上松泉圖偉跪翻墨汁信手塗抹而風  
雲慘怛乃斥中官上款曰真仙筆也偉出入掖庭奴視  
權貴求畫多不與於是權貴人數短之居無何放歸南  
郡孝宗登極復召見命畫稱旨授錦衣百戶賜章曰畫  
狀元後稱疾歸武宗復遣使召之使至未就道中酒死  
釋史彙編

崇禎中上設游藝堂為涉見文史地有所疑下之武英  
殿中官中以問俱事中書客燕雜紀  
陵在游藝堂一日中官問詞臣曰今市肆交易  
貴東西而下及南北河也詞臣猝無以對輔臣出

延儒曰南方火北方水昏暮叩人之門戶求水火無勿  
與者此不待交易故惟言買東西中官以其言入奏上  
善之兎園冊

崇禎十三年三月策試諸貢士于皇極殿上御小輦下  
平臺歷殿東陞上薰以銀香鑪一雙是年承堦會試中  
式第二十八名跪第一行對策仰瞻天顏白晳目微露  
徧視諸臣傳諭須用心作文字作得好還要召對聲如  
洪鐘試已讀卷官位次甲第進呈傳臚前一日果召對  
于文華殿三百人齊集而傳宣召對僅四十人承堦在  
三甲中不得與也奏對稱旨者二十五人臚傳後特授  
二甲進士孫一脈姚宗衡趙玉森劉瑄嚴似祖為翰林  
院簡討周正儒李如璧胡周喬宣國柱黃雲師為給事

中陳羽白陳純德魏景琦馮垣登吳邦臣為各道監察御史董國祥顏渾為吏部主事蔡肱明田有年葛奇祚張經呂陽陳纁盧若騰張朝經錢志騶為兵部主事舊例二甲進士改庶吉士者散館日授編修而是年不待教習竟除皆以簡討用又二甲第一名例除禮部主事而是年則以兵部主事用又拔下第舉人史惇等一百六十三名廷試貢生吳康侯等百名俱留特用授主事知州推官知縣有差其後特用中殉節者進士則陳純德馮垣登張經陳纁蔡肱明葛奇祚舉人則郊縣知縣李貞佐貢生則戶部郎中徐有聲立賢無方知人則哲後死者所當備述也鴻一亭筆記

舊例北京奉先殿供薦一月子鵝江寧縣辦解三月鮮

笋四月梅子皆南京園戶辦七月雪梨宣城縣解八月菱苜南京池戶辦九月香橙南京園戶辦十月柑子橋子吳縣辦十一月甘蔗錢塘仁和二縣辦解萬曆九年南京太常寺卿沈節甫以子鵞道遠抵京已非子鵞雪梨采自秋前裝運色味易變不如在京河間所產議子鵞別派大興宛平二縣雪梨派河間勅下禮部行太常光祿議覆未報二十四年九月南太常寺卿楊時喬請移文應天府取鵞梨價銀至京買子鵞河間買梨進獻南京太常寺志

仁宗建弘文閣于思善門作印章命翰林院學士楊溥掌閣事侍講王璉佐之親舉印授溥曰朕用卿等于左右非止助益學問亦欲廣知民事為理道之助卿等如



有建白卽以此封識進

明典故紀聞

奉天門御朝上坐定內使捧香爐上刻山河之形寘榻前奏云安定了

弘藝錄

王錫爵思政軒箴惟皇睿聖光嗣丕基弗寧燕處有儼若思厥思伊何萬幾一日千里應違謀之几席惟皇立政欽若昊天日雨日暘思其或愆惟皇立政憲於烈祖是訓是行思繩厥武四海惇嫜政是用康一夫不獲我視如傷殊方皮弁政是用輯一夫不戒作我蚤賊萬方玉食思及鉏犁袞服在御思及杼機筐篚之恩用思有式費出無經乃政之慝任思勿貳或蔽其聰去思勿疑或撓其公言逆于耳思或爲利言遜于心思或爲戾朝以出政則思其終紛更之戒畫

一之從文以修令則思其始毋詢窵辭毋眩多指是之爲思規萬世安天命不易爲君實難人亦有言日中則昃無疆維休無疆維恤思之思之鬼神通之尸牖有箴賤史誦之王文肅公文草

又樂志齋箴聖人作易次豫于謙喜起之歌始以敕天我皇鑒茲弗懈于位有忒斯齋惟以樂志其樂伊何匪遨匪遊其志伊何樂而不流樂有從理亦有從欲安危之機辨之幽獨何以辨之惟志之持志一常安志煩則危惟幾惟康無逸乃逸君子攸居萬年無

斲同上

文華殿後扁慈聖太后書六行嵌以丹朱殿內圍屏畫

輿地圖藏隱集

楊大洪首倡移宮李選侍出居一號殿

黃忠端公說略

仁孝文皇后翰林學士解縉黃淮胡廣胡儼楊榮楊

士奇金幼孜之妻入見柔儀殿勞賜備至

后紀

每日講日初出上到文華殿東房房中供義農黃帝堯

舜禹湯文武九小龕于上左周公右孔子二龕上一拜

三叩頭中官贊禮是時門未啟閣臣講官立候月臺上

左闌干邊候上行禮畢轉後殿方開門上坐殿後川堂

司禮監打躬承旨曰先生每來閣臣講官始分左右魚

貫而入近御案前一拜三叩頭不贊禮上坐地平僅高

三寸益略堂陛之嚴亦以便講官憑几也每讀書講書

與上共一几几上只書一本朝上講官憑几倒看手執

朱紅牙籤讀某句卽以籤指講亦如之時左班中官手

執一小架架上有金錢自架左移右有聲以計遍數

玉堂紀實

萬曆二年十二月閣臣張居正進御屏一座中三扇繪

天下疆域之圖左六扇列文官職名右六扇列武官職

名用浮帖以便更換上命張設于文華殿後

大事紀要

崇禎丙子八月十六日上御平臺召諸臣入對入班天

氣晴明全無雨狀俄而黃沙蔽天風霆交發怒吼不絕

滂沱大雨難以迷霧

召對記

文華殿在奉天門之東北諸殿制稍減而特精雅用綠

色琉璃瓦左右為兩春坊上之便殿所常御者也今用

為經筵之所中設御座龍屏南向又設御案于御座之

東稍南設講案于御案之南稍東入殿中門當檻下白

石一方純潔可丈許擡講案官置案當其北二三尺地始稱講官拜起也殿中金鶴一雙東西相向立盤中下有趺架飾以金朱以口銜香香黑色如細燭狀外國所貢也其下則以三山小銅屏風障金銅炭鑪兩展書官各立其下展書官悉從內閣題定兼用坊院每講四子書展書官從東班出講經史展書官從西班出進詣御案前跪出漚手香漚手香各太醫院每歲製此以分餽各官展講章二太監接手攤滿以金尺鎮定然後起至此則天顏真咫尺矣凡進講衣冠帶履俱薰香退即以別篋貯之示不敢褻也光祿寺設宴于左順門之北蓋奉天門之東廡也依品級序坐作一行俱面西珍羞良醞二署名賜宴惟經筵最精腆例得帶從官堂吏及家

僮輩携囊榼以收餽餘宴畢出至左順門之南分班北

向叩頭謝恩而退

水南翰記

先是文華殿有孔子塑像帝欲從古易以木主靈寶許莊敏公誥乃以所著道統書上之帝悅即撤其舊像立皇帝王師八主南向周孔二主東西向且命公輔九人瞻拜主前諭之曰朕奉先聖先師於此庶起敬慕以遜志于學卿等其罔朕棄仍賜茶及禮神品物戒菴漫筆乾清宮階墀取西山白玉為之每間一塊長五丈濶一丈二尺厚二丈五尺鑿為五級以萬人拽之日鑿一并以飲拽夫名曰萬人愁同上程篁墩以神童入宮范如親為之總髻暖姝由筆宮人多用糞車每月初四十四廿四日以空車擁入一

換從厚載門出是日遂許作市交易百物鋪地外人亦不禁同上

慈慶宮光宗青宮時所居張差挺擊處也上為信王時亦居此名勗勤宮崇禎十五年七月更各端本宮山書

懿安皇后既移宮入上命即所居賜皇太子改名端本宮宮制如常第連房曲室多耳殿列方鏡屏二高可數尺宦夢錄

寶和六店宮中儲材物處一寶和二和遠三順寧四福德五福吉六寶延武宗嘗扮商佑與六店貿易爭忿喧詬既罷就宿廊下西河詩話

御酒坊後墻有街日長連又一街日短連總日廊下家張南上集

大內西北隅英華殿前有菩提二樹慈聖皇祖母手植也高二丈枝幹婆娑下垂着地盛夏開花作黃金色子不於花蒂生而綴於葉背秋深葉下飄颻水巷那葉受子而念珠出焉其顆較南產差小而色黃且潤分辨之綫界作白絲名曰多寶珠菩提子詩序

日下舊聞卷八

宮室六 明三

自北安門裏街東曰黃瓦東門門之東街南曰尚衣監  
街北曰司設監再東曰酒醋麪局曰內織染局有外廠  
在朝陽門外又有藍靛廠在都城西皆本局之外署也  
曰皮房紙房曰針工局曰巾帽局其後臨河有梓潼廟  
曰火藥局即兵仗局之軍器庫也再東稍南曰內府供  
用庫 燕史

尚衣監製造皇帝皇太子親王袞冕袍服司設監成造  
各宮篋箚蒲席棕薦及各宮進用龍床頂架帳幔轎椅  
鋪陳衣包蓋袱花毯地氈圍幕汕袱雨繖等物鋪設官  
殿龍簾走索席梯 水部備考

初永樂間北征獲羊萬餘令順天府所屬州縣分牧歲辦羊毛價銀輸司設監供用謂之長生羊毛弘治間府尹黃傑言歲久羊已無存民猶輸納甚苦已得旨除諮司設監尋復以前令爲言上曰羊亡毛存是無名之征也其悉除之 孝宗實錄

織染局於朝陽門外種藍打造靛青練染大紅紵絲紗羅經緯合用礬子石灰於馬鞍山廠燒造 水部備考

內用紙曰楮皮曰經榜曰玉版曰夾連曰濶板曰高麗繭紙內造紙曰五色研光粉箋曰畫龍金箋曰厚粉五色箋曰灑金箋曰玉紅箋 客燕雜記

針工局縫製王府冊封賞賜等項衣服內宮內使長隨小火者三年一次給與冬衣六年一次給與鋪蓋 水部

備考

泰昌元年十二月工部題給針工局年例冬衣計兩京中使長隨共九千口一十五名折冬衣八萬一千五百九十四兩 熹宗實錄

供用庫歲辦木柴木炭糶麻荆條猫竹白麻榆槐松柏木版運送石灰城甌 水部備考

官中各長街設有路燈以石爲座銅爲樓銅絲爲門壁每日晚內府庫監灌油燃燈以便巡行曰番經殿念習西方梵唄經凡有佛事本殿內官易番僧帽衣紅袍黃領黃護腰一日或三晝夜 燕史

番經殿內官遇萬壽元旦等節於英華殿作佛事卒事之日一人扮韋馱抱杵面北立餘被瓔珞鳴鑼鼓吹海

螺諸樂器贊唱經呪至夜五方設佛會立五色繖數十人魚貫行其間有所謂九連環者其行逾疾至九連環變則體迅若飛鳥觀者目眩矣天啟辛酉後奉旨以官人為之天啟官詞註

漢經殿念習釋家諸品經僧伽帽袈裟緇色衣與僧人同惟不剃髮耳佛事畢仍易內臣服色燕史司苑局進用蔬菜俱有竹籃筐盒裝盛合用物料水部備考

鐘鼓司陳御前雜戲削木為槐鬮高二尺餘肖蠻王軍士男女之像有髻無足下安卯榑用竹板系之注水方木池以錫為箱支以木橈用紗圍其下取魚蝦萍藻躍浮水面中官隱紗圍中將人物用竹片托浮水上謂之

水嬉其以雜劇故事及癡兒騃女市井馴僧之狀約有百回每四十餘人各以兩旗引之登場謂之過錦皆

鼓司承應燕史

內官諸署指鐘鼓司為東衙門賤而不居穀城山

再南曰新房曰都知曰司禮監門之內稍南者內書堂也燕史

諸司最貴重者曰司禮監次內官御用司設御馬

惜薪司曰近侍牌子曰掌刑于外職最雄者曰提督

西廠西廠成化正德間暫設俄革曰提督十二團營五

軍營曰南京守備曰兩廣總鎮及各處鎮守鳳洲筆記

司禮監每年成造上用兔香狸山羊手鼠尾筆徽墨雜

墨印造上用經書制勅雲龍等箋灑金粉蠟等紙精微  
勘合文簿經書畫匣屏風畫軸楣杆紙扇及成造龍床  
應用楠竹松木螺甸青碌川漆嚴漆金箔圓藤木柴等  
料糊飾宮殿屏風牕格綾紗紙劄水部備考  
內官二十四監司禮視外之詞林一切典禮出其手掌  
承者權視閣臣次即東廠為重容燕雜記  
士陳山離間趙邸上疎薄之命解內閣機務教內  
席于文華殿東廡至景泰中選小內侍七人俾中  
謙呂原教之亦于文華殿東廡天階後於內府書  
命翰林官往教遂為定制雙槐歲抄  
內府供職日給光祿黃封內膳有常制奉命內  
者則兩給綴錄

內書堂用史官四員赴書堂日生約四十餘人  
天門外迎接師於西反房易言闕而入故事新  
設飯于端門內相所飯訖自左中自極門轉東河  
到內書堂北書堂祀孔子師入四拜書堂南亦祀孔  
師入止揖不拜新舊師東西序立舊者居東交拜訖  
諸生拜于堂下到內書堂列坐設宴畢由厚載門出  
詞林典故

內書堂教授讀書戶學士陳山始以後詞臣任之奉旨  
收入官人選年十歲上下者二三百人撥內書堂讀書  
本監提督總其綱掌司分其勞擇日拜孔子請詞林諸  
公從長安右門入北安門出後則由北安門出入每學  
生一名各具白蠟手帕龍挂香以為束修燕史



內書堂西向約十餘間其南一室奉先聖其北一室亦

先聖於南則拜於北則揖不知何義 玉堂書記

止德八年十二月重造司禮監書堂以燬于火也 武宗

寶錄

新房之北則司禮監也新房之南則御馬監也 燕史

御馬監合造踰馬繩索馬槽馬椿杓繩制 水部

朱寧本雲南羅羅成化間太監錢能守雲南時見寧

黥以為奴能死遂竄名驍驤衛為勇士執役御馬監

宗常至監試馬因寧應對敏給執控閑習遂獲進

三四年龍極位盛迄至殺身云 宙載

御馬監廳事之南曰裏草欄草場監之南向西者曰

子房曰北膳房曰煖閣廠曰南膳房曰明器廠曰混堂

曰內東廠永樂十八年始置提督太監一員關防一

顆文曰欽差總督東廠官校辦事太監關防天啟四年

避御 一 鑄官校曰官旗萬曆初馮保奏建扁曰朝廷

腹心有欽給密封牙章一枚應封奏者以此鈐封 燕史

東廠置自永樂十八年其衙門無設官主之者司禮監

秉筆太監一人司屬隸從悉取給于錦衣衛故各員役

陞轉皆在衛而太監乃司禮監堂上官秩最尊有去留

而無陞轉其銜曰欽差總督東廠官旗辦事司禮監秉

筆太監凡掌司禮監者號曰督東廠者號曰督主

或宗與督合一人領之有掌刑一戶一員以錦衣衛千

戶充之有加指揮至都督者又理刑百戶一員或曰貼

刑二共坐理事熹宗時嘗賜東廠刑官過肩 子服

有加宮保府臣者矣其爪牙司文移者曰掌班寫字房  
管事房辦事房以十二支分十二夥頭目一人曰擋頭  
外人稱之曰夥長專司緝察各夥分數人動刑曰刑上  
每夥擋頭下有番子數人名曰幹事的專持人陰事或  
緝紳私凡  
事擋頭先捐予之事曰起數予之金曰買起數擋頭  
隨同番役于所犯之家左右寺廟空所名曰打椿擋頭  
設座番子直入所犯一家執犯者非刑拷掠一曰乾醮  
酒一曰搬醫兒或以竹鞭肋其酷十倍官刑每月且  
分遣辦事人於各衙門及各城門守定名曰坐記以衙  
門所行幅紙開報名曰打事件事件到東華門  
雖深夜司門者從門階中傳入頃刻到掌廠印時達至

尊矣

客聽偶語

掌廠內直房有欽賜牙印一方凡打進事件奏聞者用  
此印鈐直至御前蓋得比輔臣之文淵閣印亦僭紊極  
矣野獲編

羅織之獄自廠達衛衛西曹者則請原羅役坐堂後  
以聽審名曰錄事其不由廠而直下西曹者則有五日  
羅役往來十三司名曰聽記客燕雜記

唐末兩樞密使及左右中尉柄事禁中與宰相表裏號  
爲中貴亦稱內大臣樞密卽今司禮中尉卽今東廠也  
毅賊山房筆塵

今之緝事番役唐稱不良人有不良帥主之卽漢之大  
誰何也職老齋  
加記

崇禎十五年正月上諭東廠太監王德化曰朝廷設廠緝事期於摘發大奸若糾剔細微文網苛察非所以安全之也今後非謀反逆倫權豪捍法者勿問綬冠紀

又南曰尚膳監御馬監向東者曰北花房曰印綬監曰

中書房曰蹴圓亭燕史

景泰六年四月增建御花房實錄

天啟中有龍見北花房之小河長八許色黃碧有爪無鱗其地近宋縉直房縉護以紅錦盛金合中奏進奉旨

送赴黑龍潭天啟宮詞注

內承運庫在東下馬門其職掌庫藏在宮內者曰東祿庫曰寶藏庫皆謂之裏庫其會極門寶善門進東一帶

及南城磁器等庫則俱謂之外庫過外馬房餘宅數區所謂河邊者也燕史

內承運庫掌應用荷葉錫鑼錫鈔茶瓶汁瓶確鐺等物水部備考

內承運庫以藏銀絹除歲用外其餘皆入內女官庫病逸漫記

熹宗在位七年帑懸磬嘗將累門銀甕銀盃尊

鼎重器輸銀作局傾銷充餉故餉多以作局三字

者此人所共見也甲申春廷臣請夫惟承

運庫耳錢糧解承運庫者二曰金花

銀所以供后妃金花及宦官齋以為勳

戚及京衛武臣俸祿隨進出非如庫聚而

不散者比野史乃謂城破大內尚有積十餘庫不知  
十餘庫何名承運庫外有甲乙等十庫  
財庫貯錢者也古今通集庫貯書畫符券  
裕庫貯珍寶者也外東庫亦貯方物無  
矣城破惟東裕庫珍寶存耳安有所謂  
紛紛謂上不輕發內帑豈不冤哉崇禎遺錄  
北安門內街西曰安樂堂內官有疾者徙  
西門之則內官監也過北中逸西則曰石  
殿至大高元殿則習學道經內官之所  
冰窖也史

嘉靖二十四年十二月定新建萬法寶殿名曰壽祺  
左曰福舍右曰祿舍世宗實錄

萬法寶殿萬曆二十九年添蓋佛殿

曰祖師

嘉靖二十六年十一月圓明閣陽雷擊工成世宗實錄

天啟甲子歲吳地大水命道經厥內官教宮女數十  
人演習禳醮斃服雲璈與羽流異人驅體立碩者

一人飾為天神仗劍登壇行法不能貴之垂結錦  
繡為之天啟宮詞注

北中門之南曰壽皇殿曰北果園殿東曰永壽殿曰  
觀德殿與御馬監西門相對者壽皇

年始開者也殿之南則萬歲山俗  
曰萬歲門冉南曰北上門左曰北

門西可望乾明門東可望御馬監也

紫禁城之元武門也燕史

崇禎癸未九月召對萬歲山如

北門遶禁城行夾道皆槐樹

山在望矣復折而北入山左裏

侍立諸臣趨過永壽殿至祀德

書一小賦門外張黃幔對畢

一門諸臣仍出山左裏門觀德

外萬歲山麓也上有土成

觴焉山北有壽皇殿北果園山南

曰北上門再南曰元武門入門即

寬曠為射箭所故名觀德山左裏

門相對一帶有柺子房北膳

果上

萬歲

天子

金字

入元

北安門內元武門

每重九日駕登山

備曰萬歲門再南

水城內也山左

之東即御馬監兩

向廠皆西向永壽

殿在觀德殿東南相近內多牡丹芍藥旁有大石壁立  
色甚古慈書

記 驗試弓矢盛甲火器在觀德殿上嘗習射於此客燕雜

萬歲山在子城東北元武門外為大內之鎮山高百餘

丈周迴二里許林木茂密其巔有石刻御座兩松覆之

山下有亭林木陰翳周迴多植奇果名百果園西

萬歲山在子城北元武門外大內之鎮山也其上林木

陰翳尤多珍果一名百果園甫田集

萬歲山嘉樹鬱葱鶴鹿成群俗稱煉山天啟甲子六月

山椒有五色雲靈臺占曰景雲將降旨行慶賀禮以六

科廊災乃寢天啟宮詞注

日下舊聞  
今京師厚載門南逼紫禁城俗所謂煤山者本萬歲山  
其高數十仞衆木森然相傳其下皆聚石灰以備閉城  
不虞之用者 野獲編

崇禎七年九月量萬歲山自山頂至山根斜量二十一  
丈折高一十四丈七尺萬歲山左門山右門於萬曆三  
十八年八月添牌有玩芳亭萬曆三十八年更翫景亭  
三十九年再更毓秀亭亭下有壽明洞又有左右毓秀  
館長春門長春亭壽皇殿萬福閣下曰臻祿堂康永閣  
下曰聚仙室延寧閣下曰集仙室萬福閣東曰觀德殿  
又有永壽門永壽殿觀花殿集芳亭會景亭興隆閣萬  
曆四十一年更翫春樓萬福閣西曰永安亭永安門乾  
祐閣下曰嘉禾館乾祐門興慶閣下曰景明館外爲山

左裏門山右裏門 宮殿額名

鳳翔之麟遊有虎臣者慷慨有氣節成化末貢入太學  
適聞萬歲山架棕棚以備登眺臣上疏極諫憲廟奇之  
祭酒費闇不知也懼其賈禍會六堂鳴鼓聲罪以鑲鑄  
鎖之俄官校至宣臣至左順門中官傳旨勞之曰爾言  
是也棕棚拆卸矣命吏部予七品官闇聞而大慚臣知  
雲南勅嘉縣事卒于官

弘治中太監李廣以左道見寵權傾中外戊午歲建毓  
秀亭于萬歲山下既成適小公主患痘廣飲以待水遽  
殤未幾清寧宮災有謂建亭年月不利故有此災太皇  
太后怒廣懼飲鴆死 月山叢談

嘉靖中禁中有貓微青色惟雙脊瑩潔名曰霜眉善伺

上意凡有呼召或有行幸皆先意前導伺上寢株概不移上最憐愛之後死勅塋萬歲山陰碑曰虬龍冢耳談歐大任萬歲山五岳來朝日三山路不迷長楊秦苑北盧橘漢園西珠斗凌空近瑤峯人望齊萬年同聖壽何用訪丹梯旅燕稿

按宜宗廣寒殿記及楊文貞李文達彭文憲葉文莊韓襄毅西苑諸記所稱萬歲山皆本金元之舊至馬仲房始以煤山爲萬歲山迨萬曆間揭萬歲門于後苑而紀事者徃徃混二爲一蓋金元之萬歲山在西而明之萬歲山在北也

嘉靖中生員李時颺監生張岑各疏請舉郊禱之祀張

懇以爲言乃設臺于永安門北震方以夏言充祈嗣醮壇監禮使春明夢餘錄

郊禱壇設于震方阜城東永安門之北臺用木正位昊天上帝配位皇考獻皇帝西向高禘設于壇下西向上位于壇下北向后妃位七于壇南數十丈外北向用帷弓鞬弓矢如后妃嬪之數質明上祭服后禮服妃嬪各服其服至壇上就位后以下帷中就位上行禮畢分獻太常官俱退女官導皇后以下至高禘神位前跪女官取弓矢以次授皇后以下受訖納于弓鞬嘉靖祀典過東上北門東中門曰彈子房曰學醫讀書處曰光祿寺曰篋頭房曰東安裏門過橋則東安門也燕史光祿寺大京門在東安門橋右東上門左東入門爲如

水軒南向又東爲瓊麋堂西入門爲四星堂東向北爲  
下門入門爲涼樓左右皆有井亭東西各有倉房樓後  
有川廊左鮓房右坐家房再北爲皇竈東夾道有黃帳  
房倉無錫米倉土地祠尚膳庫熬凍房上下雞房煮笋  
房西夾道有內器皿庫和羹堂尚膳庫宰牲蒸作房香  
需房

光祿寺志

祿寺署在皇城東華門內初爲宣徽院尚食尚醴二  
繼改光祿寺其屬四署曰大官曰珍羞曰良醞曰掌  
而司牲司牧二局隸焉

春明夢餘錄

光祿寺大門內左爲茶葉庫月進房右爲錢鈔庫月進  
北爲儀門中爲均節堂堂左爲典簿廳堂後有川廊  
爲後堂川廊傍左爲欽錄廳右爲小軒後堂北爲庫

樓堂之左爲和衷堂堂之右有銀庫良醞署大官署俱  
在寺之東偏鵝 鵝倉在其後掌醞署珍羞署俱在寺  
之西偏後有尺鷲池鹽庫庫後空地象骨瘞焉

光祿寺志

張元易于光祿署中種竹甚蕃黎惟敬秘書題曰紫禁  
滄洲

農丈人集

槽房俱南向凡七層其南爲御酒房長春房採四時花  
釀酒處也苦酒房造貞一酒處也白酒房嵌長春房內  
俱內官司之

光祿寺志

光祿寺有鐵力木酒榨相傳緡沒沈萬三家物每榨用  
米二十石得汁百甕又工部有銅饅四一在節慎庫高  
可過人亦傳是萬三家物

耳談



明宣宗皇帝光祿寺箴周官善庖實肇光祿漢列九卿唐總四屬國朝建置率循勿易享祀賓燕咸其所職先王之禮豐儉有宜惟敬惟誠儀式行之粢盛必備犧牲必潔執事有恪儼乎對越羣賢在朝四裔會同廩之餼之必精必豐朝夕膳羞必謹恒度毋儉公費而縱私餽毋騁奢侈毋肆暴殄毋作愆過以躋常典正已率下咸敬慎之用永終譽光我訓辭御製官箴

東上南門之東曰重華宮猶乾清宮之制有兩長街西則有宜春等宮凡妃嬪皇子皇女之喪停此發引重華宮之東曰洪慶宮供番佛所也又東則內承運庫再東則崇質宮俗云黑瓦殿且燕間英廟所居再南

則皇史宬藏太祖以來御筆實錄每年六月六日奏知灑殿司禮太監董其事左右小門曰鑾音龍歷左門鑾歷右門再東則追先閣欽天閣勒世廟欽天頌于禪再南則御作也無史

南城中路曰永聚門曰觀心殿曰昭祥門曰端拱之門曰昭德門曰重華門曰廣愛門曰咸熙門曰重華殿曰中圓殿曰肅雍門曰康和門曰後殿曰麗音麗閣曰迎春館曰圓殿其東長街曰廣順門和門曰景華門曰宣明門曰景明門曰洪慶門曰慶殿曰後殿曰膳房曰庫曰景和門其西長街曰麗音麗門曰長春門曰清華門曰寧福宮曰延福宮曰嘉福宮曰高明門曰明德宮曰永春宮曰永寧宮曰宜春宮曰

延喜宮曰延春宮曰御前作河東有崇德殿卽回龍觀  
有翫芳亭有集祥門有桂香館有翠玉館有浮金館有  
擷秀亭有聚景亭有呂梁洪有左右漾金亭有舍和殿  
有澄輝閣萬曆中更名曰湧福閣有秋香館宮殿額名  
南城在大內東南英皇北狩還居之其中翔鳳等殿石  
闕于景皇帝方建隆福寺內官悉取去又伐四圍樹木  
英皇甚不樂旣復辟下內官陳謹等于獄尋增置各殿  
爲離宮者五大門西向中門及殿南向每宮殿後一小  
池跨以橋池之前後爲石壇者四植以栝松最後一殿  
供佛甚奇古左右迴廊與後殿相接蓋倣大內式爲之  
湧幢小品

南內在禁垣內之巽隅亦有首門二門以及兩掖門卽

景泰時錮英宗處所稱小南城者是也二門內亦有前  
後兩殿具體而微旁有兩廡所以奉太上者止此矣其  
他離宮以及圓殿石橋皆復辟後天順間所增飾者非  
初制也野獲編

初上在南內悅其幽靜旣復位數幸焉因增置殿宇其  
正殿曰龍德左右曰崇仁曰廣智其門南曰丹鳳東曰  
蒼龍正殿之後鑿石爲橋橋南北表以牌樓曰飛虹曰  
戴鰲左右有亭曰天光曰雲影其後壘石爲山曰秀巖  
山上平中爲圓殿曰乾運其東西有亭曰凌雲曰御風  
其後殿曰永明門曰佳麗又其後爲圓殿一引水環之  
曰環其上門曰靜芳曰瑞光別有館曰嘉樂曰昭融有  
閣跨其曰澄暉皆極華麗天順三年十一月工成雜植

四方所貢奇花異木于其中每春暖花開命中貴陪內閣儒臣賞宴 英宗實錄

初英廟居南城垣墉峻密及復辟之日令人推壞南城曰我得出此城天也歛歛而返至今玉河橋北皇城豁達如洞雖每歲修治城垣而此未嘗板築 舊京遺事

嘉靖十二年夏四月乙酉帝御南城環碧殿閱馬馬有

玉麟飛白玉驄照夜璧銀丁真瑤池駿飛白凡七召輔

臣孚敬時獻夫鑾俟重華 而召入環碧賜茗飲共

閱馬又命至嘉樂筵觀花 帝乘玉麟飛青蓋至重華

殿進孚敬等于左室賜酒食鱗龍飛魚服帝製古樂府

七言律各二章示孚敬等命各和以獻 嘉隆聞見紀

皇史宬藏本朝寶訓實錄處也按宬與盛同義莊子以

皇史宬說文曰宬屋所容受也然殿宇命名於斯僅見

燕都游覽志

嘉靖十三年秋七月命建皇史宬于重華殿西次置金

匱石室其中也勅閣館諸臣重書九 寶訓實錄藏之

復于欽天閣建石鐫欽天記頌追先閣建石紀祖德詩

已而宴儒臣于 講身殿 大政記

皇史宬四周上下俱用石甃中具二十臺永陵定陵各

占其二 客燕雜記

王立道皇史宬頌惟古有史君舉必書左言右動載

筆罔虛赫赫管彤嶠坳侍立東馬南狐各專其職惟

我有明肇自太祖太宗仁宣英憲孝武煌煌帝業汗

汗聖謨超墳襲典溢于翰觚 雜散失廣記備搜郡

册既繁先

靡一於惟我皇覽於前籍因而出之

爰輯膳

錄靡忒校讐孔精諸臣咸勤用觀厥成廼審厥藏傲

告石室司空載營石室有翼匪棟匪楹不節不稅斷

襲之有寶飾瑰階玉碾廓其靚深疏以瓊

朱扁昔藏名山京師留副制崇蘭

其

今乃知其陋百千萬年與國永壽

其

成之西過觀心殿射箭處稍南則嘉樂館也其北

門列金獅二內有正殿曰龍德左右亦有配

後門飛虹橋也橋以石爲之鑿龍魚水族于

又得之

虹橋詩鯨遙一水長清波深處石

身甃連馳道到瀉銀河入苑墻晴綠

春流時泛落花香微茫河隔逢萊島不放飛

建章燕都遊覽志

政詩中宮三寶下西千載得仙橋白玉梁甲翼

渾欲動晴珠觸日長安客話

北有坊二曰飛虹戴鰲女立綱所書也橋北有山

有洞額曰秀巖以磴道而上其高高在上者

殿也左右亭各一曰凌雲御風界以小石藤蘿花

一墻壁焉燕史

其用卿乾運殿詩團團小殿陰斜石檻玲瓏映水

花翠輦不來金鎖合有啼鴉瓊河集

皇史宬東南有門通有湧福閣俗所謂騎

北也

河稍北則呂梁洪東安橋再北有亭居

曰涵碧又北則回龍觀止焉其殿曰崇德者是也

河也從北安門外文昌宮迤東步糧橋入經皮房內

染局中帽局御馬監東東安門橋下至長安左門外

迤東之玉河橋出焉

燕史

陳保詩河流細遠禁牆邊疏鑿清流勝昔年好是南

風吹薄暮藕花香冷白鷗眠

天啟宮詞

永樂十一年五月癸未端午節車駕幸東苑觀擊毬射

柳聽武羣臣四夷朝使及在京耆老聚

擊毬官

為兩朋駙馬

黃

袁容領左朋寧

陳懋領

右朋自皇太

大臣以次擊射

太孫擊射

連發皆中上

詩賜群臣宴及鈔帛有差

大

政記

十四年端午節上御東苑觀擊毬射柳

國朝典彙

王直端午憶去年從幸東苑擊毬射柳賜詩賜宴詩

千門晴日散祥烟東苑宸遊憶去年玉輦乍移雙闕

外彩球低度百花前雲開山色浮仙仗風送鶯聲繞

御筵今日獨醒還北望何時重咏栢梁篇

王文端公

集

宣德三年七月召尚書蹇義夏原吉楊士奇楊榮同遊  
東苑夾路皆嘉樹前至一殿金碧焜耀其後瑤臺玉砌  
奇石森聳環植花卉引泉為方池池上玉龍盈丈噴水  
下注殿後亦有石龍吐水相應池南臺高數尺殿前有  
二石左如龍翔右若鳳舞奇巧天成上御殿中語義等

日下書聞

卷八

七

曰此旁有草舍一區乃朕致齋之所卿等盍往徧觀於是中官引至一小殿梁棟椽桶皆以山木爲之不加斲削覆之以草四面闌楯亦然少西有路紆迴入荆扉則有河石甃之河南有小橋覆以草亭左右復有草亭東西相望枕橋而渡其下皆水游魚物躍中爲小殿有東西齋有軒以爲彈琴讀書之所悉以草覆之四圍編竹籬籬下皆蔬茹匏瓜之類觀畢上臨河命舉網得魚數尾命中官具酒饌賜魚羹旣而召至前賜以金帛繚環玉鈎等物又賜宴于東廡被旨令各盡醉而歸翰林記天順己卯七月賜游南城中有宮殿樓閣十餘所是秋新作行殿東爲蒼龍門南爲丹鳳門中爲龍德殿左右曰崇仁廣智殿之北有橋橋皆白石雕水族于其上南

北有飛虹戴鰲二牌坊東西有天光雲影二亭又北疊石爲山曰秀巖山上有圓殿曰乾運其東西二亭曰凌雲曰御風山後爲佳麗門又後爲永明殿最後爲圓亭引流水繞之曰環碧移植花木青翠蔚然如夙藝者工旣畢遂命同學士李賢呂原往觀焉可齋筆記

吳伯與內南城紀畧自東華門進至麗春門凡里餘經弘慶殿歷皇史宬門至龍德殿隙地皆種瓜蔬注水負甕宛若村舍過此則飛虹橋石刻巖虎禽鳥狀傳爲西洋僧載而來橋之南北柱石題曰戴鰲曰飛虹有洞箬石壁壁上刻秀巖二字石磴數十級有方丘焉最上爲乾運殿古松大復之燕都游覽志回龍觀舊多海棠旁有六角亭每歲花發時上臨幸焉

內市在禁城之左過光祿寺入內門自御馬監以至西  
 海子一帶皆是每月初四十四二十四三日俱設場貿  
 易聞之內使云此三日例令內中賤役輦糞穢出官棄  
 之野獲編改各門俱啟因之陳列器物借以博易焉  
 光祿卿趙健以攜僧入東安門被糾奪俸三月神廟末  
 年補疎濶游人得直窮西苑矣國史唯疑  
 北上西門之西大高元殿也其前門曰始青道境左右  
 坊各二曰先天明鏡曰太極仙林曰孔綏皇祚曰弘祚  
 天民又閣二左曰昊音陽真右曰朔音陰靈軒殿之東  
 北曰象一宮中供象一帝君範金為像尺許乃世廟元  
 修之玉容也蘇史

始陽齋在無上閣左象一宮在無上閣右桂洲集

夏言始陽齋贊大哉乾元萬物資始浩浩其天純文  
 不已無極太極動而生陽乘龍御天變化無方於皇  
 聖人與天合一有齋道存神明之室又象一宮贊惟  
 天高明得一以清惟地安貞得一以寧惟皇作極法  
 象天地守一抱元長生久視太陽正中帝德猶龍一  
 氣迴旋造化之宮同上  
 象一宮門左右石碑各一刻宮眷人等至此下車馬天  
 啟宮詞注

門前二亭鈎簷闌楹極盡人巧中官呼為九梁十八柱  
 金鰲退食筆記

西苑齋宮獨大高元殿以有三清像設至今崇奉尊嚴

內宮宮婢習道教者俱於其中演唱科儀且往歲世宗修元御容在焉故得不廢野獲編

夏言雪夜召詣高元殿詩迎和門外據雕鞍玉棟橋

頭度石欄琪樹瓊林春色靜瑤臺銀闕夜光寒爐香

縹緲高元殿宮燭熒煌太乙壇白首豈期天上景朱

衣仍得雪中看桂洲集

楊四知高元殿詩高元宮殿五雲橫先帝祈靈禮太

清鳳輦不來鐘鼓靜月明童子自吹笙長安客話

萬曆中皇三子生鄭貴妃即乞憐于上欲立為太子北

上西門之西有大高元殿以祠真武貴妃要上詣殿行

香設密誓御書誓詞緘玉合中存貴妃所後廷臣敦請

建儲慈聖又堅主立長上始割愛立皇長子既立遣人

裨貴妃處素玉合至封識宛然內所書已蝕盡止存四

脍素紙而已上悚然異之嗣是不復詣大高元殿先撥志始

大高元殿稍西曰石作有閣又西曰乾明門迤南曰兵

仗局每年七夕兼供宮中乞巧針亦稱為小御用監曰

西直房即袍房也曰舊監庫屬內官監曰尚膳外監曰

甜食房造絲窩虎眼糖松餅曰西上北門其東則西下

馬門矣燕史

乾明門在大高元殿之西承光殿之東金鰲退食筆記

紫禁城有護城河河外即御溝也河自北開口分流經

內官監白石橋大高元殿之東北上西門之外至紫禁

城下而東而南經太廟之東玉芝宮飛虹橋之西而其



在西一派則自太社太稷壇西至靈臺寶鈔司之東合流於湧福之河以出慈書

內官監成造定粉等粉御用彩漆膳卓膳合托合之類供應宮殿床卓器皿生鐵錫甕砂銚確盤等件預備官人內官棺木水部備考

自西上北門過西上南門則御用監也又南曰靈臺曰寶鈔司其署在臨河後倚河有泡稻草池池中石灰瀝渣積成卧象形因名曰象山作房七十二間各具一竈突名曰七十二凶神自西中門之西則尚寶監也鷹坊司也再西出西苑門燕史御用監成造五色雕填剔漆龍床頂架袍匣服厨寶箱及壇廟供器上用兜羅絨袍應用魚牙栢茨安置各官

床櫃膳卓天燈萬壽燈日月仙燈水部備考

永樂二十二年十二月作觀天臺於禁中在子城西偏一名內靈臺皇明通紀

日下舊聞卷八終

日下舊聞卷八補遺

宮室六

奪門兵士薄南宮門鐵錮牢密扣不應徐公有貞命取  
 巨木架懸之數十人舉以擊門又令勇士踰垣入外  
 合兵毀墉墉壞門啟入見上合聲稱陛下登  
 疑公疾呼兵士舉梯木士驚顛不能舉公自挽以  
 上登攀公又自挽之上顧問公卿為誰公對曰都御史  
 臣徐有貞上命公前導密邇屬車既升奉天殿公猶在  
 車前失退武士擊公一椎上叱止黼座在殿隅公往推  
 之至中上升座天寢明上又顧公曰此事卿為之耶朕  
 失遇卿矣

蘇村小纂

嘉靖辛卯上游幸南城演馬召諸輔臣環壁殿賜宴

日下舊聞

卷八補遺

一

麗宸翰特命賡歌又剪紅芍藥勅簪于首又賜寶扇宮  
珮徘徊于翠芬亭寶月亭間自醉學士歌而後君臣同  
遊未有如此之盛者 眉公見聞錄

正德中南城金魚日食蒸餅白麩二十觔 紫心軒

京師東廠者掌巡邏兵校之地也弘治癸丑五月忽

大作地陷約深二三丈廣亦如之 救國雜報

內臣張維好文能為詩常在上左右上愛任之呼

才命掌兵仗局駕嘗幸局觀所造兵器時玩弄之

言兵凶非至尊所宜操上咲而止因令內監賜

肄習之或言朝有內教場以歲時演習武備蓋

宗時事也上欣然舉行選內監得二千餘人分班

以五鼓從東門入及晨而散畧如三營操練法

聞閣臣以為言止令一書官傳諭不久當罷臺省

言者而董主事基言極剴切上怒謫外任廷議洵

河而臣深以為憂因文書房傳語司禮諸大璫云此

事關係不廷諸 撥甲荷戈未明而入內設姦人竄

入 為害巨 有緩急外庭不得聞宿衛不得入

吾 臣束手計此皆公等剝膚之患也諸大璫皆

疎 色乃乘間以閣臣言力奏上遂止 賜問堂雜記

英 南城一日饑甚索酒食光祿官弗與濬縣人張

澤以 辦事光祿寺曰昔 愍宋徽欽天所棄也上北

狩不 天有意乎若復立 誅無禮光祿其首矣乃潛

以酒 送英廟識之後 位光祿官皆得罪即日拜澤

光祿 濬縣志 卷八補遺 二

鑄福堂內有一柳鐵雲板銜樹榦內僅露十之三蓋古物也二隱集

萬曆時有進無角二黑牛者養之御同上  
司禮監每平成造上用並進宮免毛筆共二萬九千九百餘枝志

翰林教小內官在書堂中有四五百人學士五人輪五日一轉至日背書此做責罰常二百餘人輕者留衣面杖重者佩衣露則發他處責之或十人或十五人一行跪以次受責戒菴漫筆

朝廷用筆每月十四三十日兩次進御各二十管冬用綾裏管重視以綿春用紫羅至夏秋用象牙水山珠瑁等皆內府臨時發出製造弘治中吳興筆工造筆進御

有細刻小標記云筆匠施阿牛孝宗鄙其名易名曰施文用至今猶然同上

光祿寺酒榨長三丈形如方匣朱紅漆容米六十石暖  
殊由筆


北京皇城四面巡更諸舖周流傳警每夜內發大鈴從東華門出至厚載門收一一交遞盡七十二枚天明矣戒菴漫筆

廖道南南內翔鳳樓詩南內依鰲極中天起鳳臺錦屏霞外出碣石海東來嘉樹晴相映名花晝自開宣皇曾覽眺玉几五雲迴元素子集

又澄暉閣詩層臺凌碧落磐石躡丹梯卷幔西山入憑闌北斗齊朝霞浮藻楫夕景挂璇題獨立高寒處

微茫思欲迷 同上

又紫芝軒詩后皇游息處尚有紫芝軒珍果垂枝熟  
琪花接葉繁晴雲團翠蓋麗景照彤垣翻憶東方朔  
揮毫金馬門 同上



白雲山  
問所

寅政戊午

